

廣東通志

卷三十七

庫文閣			漢書類
三九六九	六九二	一〇	架
函	冊	號	類

庫文閣內			漢書類
三九六九	六九二	一〇	架
函	冊	號	類
(一三五卅)			

內閣文庫		
番號	漢	3969
冊數	692	(531)
函號	291	97





廣東通志卷第三十七



淺草文庫

禮樂志二

學校下

社學

惠州府儒學在府治東南宋淳熙二年州守張孝貴  
 始建寶慶二年文學祿王胄建學門于東南隅其上  
 為麗澤亭淳祐二年燬元至元二十五年重建二十  
 九年廉訪僉事張處恭脩之泰定二年教授劉惟清  
 脩大成殿及明倫堂天曆中教授張廷實脩戟門  
 本朝額設教授一人訓導四人洪武八年知府楊伯  
 顏不花重建永樂八年知府龍淵脩之教授古龔賓復徙門于左  
 正統二年提學彭珣始復學西故基又購地以益之





射圃久為軍衛倉至是亦復廣十二丈表二十六丈  
六年知府鄭安復脩之始為尊經閣景泰二年知府  
滕康脩靈星門泮池天順八年燬郡守李叔玉重建  
弘治十年僉事王相知府涂疇脩兩廡及戟門正德  
元年知府呂大川重建尊經閣脩饌堂號房作射圃  
立觀德亭七年知府梅吉易靈星門以石十年知府  
陳祥闢故地于東南隅為門嘉靖二年御史涂敬檄  
知府蘇輔新之丙戌知府顧遂推官周楫始告成事  
歐陽鐸記畧癸未冬十月予承乏至廣逾月御史涂  
君寅之按嶺東復道會城語予惠學且祀教授羅縉  
等率諸生以告爰檄蘇守輔出官幣四百五十金治  
之執事者其省乃成明年夏蘇去同知莫相通判克

瑄攝事嘗一助力又明年乙酉春予巡視至惠詢學  
本末上耳目所及者弘治間僉憲王君相率余守疇  
新廟制兩廡若門正德間呂守大川建尊經閣作觀  
德亭樂舞射器乃備梅守吉陳守祥嗣易靈星門用  
石市地拓之正儒學門屬連歲多風地卑濕甚  
門及齋舍歌傾剝落日有損者又門雖正而道出東  
廡後右薄官廨闕陋弗容閣錯諸屋間如入幽谷至  
是眾議改作之高明廣遠具底于法予覆抵之良是  
既而攝府事非人工父弗訖施僉憲儒檄推官周楫  
專督之又撤淫祠于文明亭之左建鄉賢祠最後顧  
稔無日遲意經理以成事告蓋自始議越今茲凡四  
趨矣無間公私緩急取辦于簿書期會而名生焉能者  
避矣近年工曹議下停興作意蓋有指遂執以槩學  
校則豈惟下之人為然是故惠之學得不就廢者幸  
矣如今日完予猶以為速也主議者識體從事者奉  
公固宜有九年始奉制易大成殿曰先師廟建啓  
聖公祠十一年知府蔣淦重脩建敬一亭今制前為



廟後為學先師廟從以兩廡南為戟門為泮池又南為靈星門池之東為庫房為神厨為宰牲所明倫堂在廟之後堂之南為志道據德依仁齋為會饌堂東北為敬一亭亭北為尊經閣又北為啓聖祠左右為名宦祠為鄉賢祠閣之東西列為號房東南為倉西南為射圃有亭曰觀德齋之南復為號房東南為教授宅後訓導宅三西一大學士蔣冕送表訓導赴惠應念高堂白髮生得祿已諾迎養志過家先慰倚門情雲山地接鄉關近海嶠天浮島嶼輕遙想臯比弦誦處春風桃李當東南為學門三十五年知府姚良弼李競敷榮南京吏部考功清吏司郎中楊通判吳晉大脩廟學載鳴記先王之世道德一而風

俗同者其故何哉其聚天下之上而教之學也一以德行道藝而辨其名器制其度數為之俎豆洗爵羽籥管絃之物而馴之升降周折誦歌蹈舞之文以揚其煩鬱而坊其淫越使之顯乎耳目求乎筋骨而成命乎其心故德成而智仁聖義忠和之盛至于通性謂之上藝成而禮樂射御書數之精至于窮物則而不可謂之謂之蓋其教之醇且該者固然而其端衆技不維乎其間人之生自幼至長不見異物而遷其學以足乎內而無慕乎外其磨揉者漸而浸被者深如此故上焉者至于財成天地潤澤生民德及萬世而其次亦皆謹廉讓敦禮樂授之以政而其施行於之於進退取舍死生之際而其節著其久也化行於其教使然也周衰而教道放失至漢氏以來士各以其性之所近為學其拘陋守隘者既偏曲而不通方而高明特立者亦徒以震動一時均之不足道中庸而其所溺于流俗苟且一切者固衆矣故昔之鬼豎野人稱腹心于城而後之公卿大夫或以簞簋不之在位者比節羔羊而後之



飾為譏其傲也豈獨道德之不一風俗之不同而已哉今天下學者咸知談先王之教未觀其科條之實可謂盛矣而文詞以為藝者已失其故况於道德之實定于教不出於詞以爲藝者已失其故况於道德之實乎惟教不出於詞以爲藝者已失其故况於道德之實術黨之士而博學諸生牽文義守成業不知究大道之原其稱有志者多爲名高而鮮實徒以譁世疑民甚者相詆訾矣又安望其道德一而風俗同也夫孔子之教曰文行忠信而科其成章者首德行曷嘗不本先王之法哉若命則罕言性與天道不可得聞其意可知也狂者名之爲狂狷者名之爲狷鄉原者名之爲鄉原曰無以亂德所以扶皇極正人心使知由道也學故而俗成居身者以同流合汙而爲賢任事者以釋便乘利爲材國家何賴焉吁可懼哉予爲此說久矣而今以記惠州之學成學廢興具諸記語中嘉靖間一再脩之更久而壞通判吳君晉之署郡事予適爲推官始議脩學吳君庶平簡質而敏於義既得請躬爲營度廟自禮殿暨秩祀之祠學自講堂藏書之閣暨經館燕休之廬凡故所有而今廢者及

諸闕缺漫漶者咸新作之以丙辰夏始事亡何載鳴遷去明年春二月之望二君乃與同知何君宗魯考之而謂予爲記方學官之不洽或忽不省而見謂難及諸大夫爲之遂績于成天下之敝何不可振者而學者之於學豈不存乎其志也哉今之學視古昔器物度數固不能盡備而習禮樂之容究道德之實俾風移而俗易宜莫之禁也以學之既脩閱壯完美諸生且益奮勵遊歌講肄其中而樂至於所自學乃安乎故不能即乎新非大惑與惠自蘇子瞻來居大放于詞故其人好文自羅孟郊王度諸君子以忠孝聞故其人尚行其興起宜易予懼其有所奪而不純固也廼稱先王孔子之教以詔之俾歸刻于石以待其成焉記之作其年

歸善縣儒學在白鶴峯東南元泰定元年惠州路同知暗都刺始建學後署學事郡博士黃光祖徙建今所元季燬本朝額設教諭一人訓導二人洪武二



年知縣木寅權以豐湖書院令諸生習業其中三年  
 寅仍即今學基建殿堂齋廡後圯十七年訓導黃復  
 圭重建宣德四年知縣李文修之正統十四年知縣  
 徐琦教諭張昶建尊經閣及門景泰七年知府段鑑  
 重脩成化五年參議王英提學胡榮檄推官龍臯脩  
 殿廡堂齋知府吳繹思新改學門脩飾戟門及廨舍  
 甃垣正德十三年知府陳祥撤戟門而新之嘉靖五  
 年知府顧遂重建今學易靈星門以石十一年教諭  
 黃暉建敬一亭十七年提學吳鵬檄知府史立模教  
 諭溫溥再新之二十年教諭袁大綸率諸生具祭器

二十五年知府吳至重脩

張岳記善縣惠州附  
 郭學在東門外白鶴山下

始作於洪武二年已酉其後脩壞無常至嘉靖乙酉  
 教諭郭克一捐俸倡諸生義士合力脩之未幾又壞  
 癸卯教諭易貞元訓導黃光慶具狀白督府暨巡院  
 諸司下其事于府于縣覆議果壞當脩如學官言而  
 未有任其役者丙午太守吳君至乃自任之計材鳩  
 工并去脆惡易以堅良首先師廟次兩廡門垣庖庫  
 各以序為官有宇居士有齋舍翼翼繩繩咸中厥度  
 始工於丙午正月十六日越十二月二十五日竣工  
 有率僚吏師生舍菜以落之而以工竣之書來報成  
 予於茲役喜吳守之政知所先務又喜其能總攝郡  
 綱舉常職所不能及今制前為先師廟有殿有廡有  
 者足為長吏勸也

戟門有靈星門明倫堂在廟後有齋二東曰時敏西  
 曰日新堂之北為會饌堂為教諭宅齋之東西為訓  
 導宅饌堂之西為倉倉南為敬一亭東齋之南為號



舍東南隅為學門環以周垣垣外地數武是為東湖  
 嘉靖丙辰知府姚良弼通判吳晉脩殿廡堂齋重建  
 敬一亭號舍二十間何維栢記歸善縣蓋故有學距  
 白鶴峯南百步許其址肇自元  
 季今莫考其歲月歷久漫漶頽圯嘉靖戊戌教諭溫  
 溥潤焉乃具學宮蕪狀白之董學吳公吳公是而徵  
 之郡上之撫臺諸司乃委其縣董厥役爰誨三月惟  
 吉選用為能百工惟勤金石木土惟良於是易其敝  
 者新其故者興其廢者益其遺者百爾具備莫不中  
 式勳聖丹漆必以法以七月二十日告成事默泉吳  
 公過而視喜焉謂宜勒之礎以墜廟也於是遣其學  
 生葉天賜郭宗義等越數百里走幣入首徵予言為  
 記予曰國家立學凡以造士而致用焉學之廢  
 興士之美惡天下之治亂繫之也是故虞夏商周天  
 下之盛王也未有不重學者矣漢唐以下雖其教化  
 選造之美漸不如古而建立責望之重各因其時以  
 故士多思報邁國之賢雖不踵見而乘時樹績炳耀  
 赫奕與夫苟臨患難則忠臣義士為國攸賴代代不

少此其故何也學校之教素存而明倫之澤自不可  
 斬也我國初首重學校而待士益厚至今上茲  
 意好古愈加敦飾然則為士者可不思所以報乎夫  
 士或不幸生於離亂設憂之時或阻於窮崖困阨之  
 境尚思奮勵自植以表見於世以不愧其為人乃今  
 共沐菁莪之化處之不征之地顧不能交相磨濯以  
 成其學嗚呼其亦自棄其甚矣自棄其身而欲報國者  
 未之有也嗟夫歸善之士其尚無自棄其身以忘國  
 哉

博羅縣儒學在浮碇岡之麓宋州守劉煥邑簿李醇  
 翁始建淳祐中州守謝籛脩之令王旦建瑞光樓咸  
 淳中令洪伯清闢地而新之元初僅存戟門至元三  
 十一年廉訪張處恭令劉亨重建元末廢本朝額  
 設教諭一人訓導二人洪武四年知縣任志剛重建



永樂二年知縣林和始立學門知縣昌祚修大成殿  
正統二年提學僉事彭玘檄通判鄭述復脩之知縣  
趙澧增葺廡舍天順中同知蘇潤脩靈星門甃垣及  
衢知縣邵銅重繕殿廡堂齋建尊經閣同知張軒脩  
戟門教諭丘野建會膳堂嘉靖二年知縣雷啓蟄建  
東號房射圃亭十四年知縣李憲重建明倫堂創敬  
一亭二十二年知縣經彥家復脩學今制學之前為  
先師廟為東西廡為戟門靈星門為神庫神厨宰牲  
房廟東北為訓導宅為明倫堂為尊經閣為教諭宅  
堂東為崇德齋西為育才齋東南為瑞光樓左為敬

一亭啓聖祠右為仰高祠東少南為號舍學之後為

射圃

海豐縣儒學在縣治之東南隅舊居邑西偏宋康定  
二年縣令譚昉始徙建始學校之興自鄉遂始周人  
始學校之興自鄉遂始周人  
有鄉正遂人夫分掌其令以謹其習而薦其賢能焉  
鄉校所建則有皮弁之薦小雅之歌以享先聖先師  
古之道也自秦人蠶食六國廢周之令詩書之輕甚  
於畿風漢興雜霸學者惟集于長安郡縣之學寢微  
矣唐室雖欲尊儒而不得其本春秋祭菜專為孔子  
祠宮已事而後鬱生荆棘因循其弊以至於今矧今  
之縣令惟以斷笞杖腎賦租為稱職耳其能勸學以  
警俗者幾何哉吾友譚君初命為海豐民守農畝吏  
守曹事闔境恬然夜亡犬聲下車暮年政以成矣乃  
日冒俎豆所以敦風俗興學校所以勵善良嚴祀事  
所以教肅祗考前計所以辯制度古之建學必居公  
宮南之左明堂亦學也在國之陽縣雖小亦國也子



男之制其可忽哉舊有廟學處之西偏編竹覆葵以爲其宮隙雨霽風以昏其像歲二月上丁率諸生祗其常事踞踏庭下退與諸生謀建新廟而崇學館諸生聞之願傾私楮以替其成遂狀其事得請於州徙祠舍於邑之東南隅伐山斂材易築以瓦冕服王藻儀容大備孔子南嚮以爲先師十哲坐塑以爲從祀冊其器以薦手牢醴壘白其堂以業乎講誦工既畢遣書請祠以識之夫素王之道猶天地之大日月之明江海之浸陰陽之變日用於百姓而不知其仁澤及於萬世而不爲其私口誦目訾不加損益所以遵而奉之者教之所存焉耳今海壖遠國王化廣被夫子之道同其汗隆興葺黌舍希風鄉魯此亦政之所存焉耳乃書淳祐元年主簿鄭夢翀脩之元季兵燬之以示于後

本朝額設教諭一人訓導二人洪武十三年知縣鄧源重建二十七年知縣李巖正統六年知縣林渭十二年教諭鄭瑄咸脩之天順六年知縣胡廣脩靈星

門成化十五年縣丞陳日光重脩嘉靖元年教諭周鼎訓導徐淹宋秩倡義建文廟於東徙明倫堂於西鑿泮池建禮門九年知縣陳一善建敬一亭三十三年知縣張濟時脩明倫堂闢禮門易柱以石及重建東齋今制學東爲先師廟爲東西廡爲戟門爲靈星門廟之後爲教諭訓導宅靈星門之內爲庫爲厨爲宰牲房戟門東爲名宦祠西爲鄉賢祠學西爲明倫堂東爲進德齋西爲脩業齋堂之後爲敬一亭即亭爲啓聖祠堂之下爲泮池次爲禮門

河源縣儒學在縣治東南織女池側宋乾道四年知



縣事薛彥博始徙自邑北隅張栻記國朝之學視漢  
 有教授以掌治之部刺史守令佐又得兼領其事既  
 重矣而士之居焉者大抵操筆習為文辭以求應有  
 司之程耳嗟夫是豈國家所望於多士之意哉惟  
 教養之法疑若未盡復古然為士者豈可不思所以  
 為士之事哉河源故有學設在邑之北隅知縣事薛  
 君彥博掌教王君惟喆因士風不振始議遷改乃得  
 浮屠廢宮江山在前高明爽塏于是徙而一新之邑  
 之上相與勸率以助資役甫逾時而迄成來徵栻為  
 記栻為先王之於學所以勤勤懇懇若飲食起居之  
 不可須臾離也誠意正心脩身齊家治國以至於平  
 天下未有不須學以成者實生民之大命而王道之  
 本原也然而學以何為要乎孟子論三代之學一言  
 蔽之曰皆所以明人倫也美哉言乎人之大倫天所  
 叙也降衷于民誰獨無是性哉孩提之童莫不知愛  
 其親及其長也莫不知敬其兄而夫婦朋友之間皆  
 臣之際禮儀三百威儀三千無適而非性之所有也  
 惟夫苟於氣稟遷於物欲而天理不明是以處之不  
 盡其道以至於傷恩害義者有之故先王之所以為

憂而為之學以教之也然則學之所務果何以外於  
 人倫哉雖至於聖人亦曰盡其性而為人倫之至也  
 於序今之學者苟能立志尚友講論問辯於人倫之  
 際審加察焉敬守力行勿捨勿奪則良心可識而天  
 理自著馴是而進益高益深在家則孝弟雍睦之行  
 興居鄉則禮遜廉耻之教行一且出而立朝則致君  
 澤民事業可大三代之風何遠之有豈不盛歟致君  
 又豈可不勉歟學之成實乾道四年春二月也端平  
 元年知縣林魁辰建于縣北一里淳祐二年知縣夙  
 子興脩之元季燬本朝額設教諭一人訓導二人  
 洪武二年縣丞鍾鎰遷建今所後圮八年知縣馬仕  
 慮脩之末樂十二年燬于火正統四年提學僉事彭  
 琉檄知縣孫琪重建天順二年同知蘇潤知縣梅英  
 脩殿廡戟門四年知縣趙昇沈渙相繼重脩叅政王



廣通志卷三十一  
英市地以廣之正德十二年知縣鄭敬道改今學門  
嘉靖二年知縣王文鎮橋泮池十一年建敬一亭二  
十五年知縣黃錦重修廟庭三十一年教諭周釗改  
今靈星門今制前為先師廟為東西廡為庫房宰牲  
房為戟門泮池在其南又南為靈星門廟之左為敬  
一亭右為啓聖祠後為明倫堂堂左為訓導宅右為  
教諭宅堂之下東為進德齋西為脩業齋齋後訓導  
宅一在焉堂後為鄉賢名宦祠舊有號舍膳堂射圃  
今皆廢

龍川縣儒學在縣城之東舊在城北螯山下元初燬

權徙城東後仍其舊至正末又燬 本朝洪武初典  
史黃九成因城東遺址脩建縣學額設教諭一人訓  
導二人成化十三年提學趙珪復建于城北弘治元  
年知縣劉琦又脩城東學嘉靖二年僉事施儒迺檄  
知縣韋邦憲復隄螯湖建廟學十一年建敬一亭啓  
聖祠二十一年因學宮址壞通判楊茂深知縣蔡鴻  
漸請于提學林雲同僉事雍瀾復建于城東為今學  
知縣歐陽深建尊經閣于明倫堂後今制前為先師  
廟為東西廡為戟門中為泮池左為名宦祠右為鄉  
賢祠為靈星門廟後為明倫堂堂後為敬一亭啓聖



祠堂左為杏壇為神厨右為教諭訓導宅為日新時  
習二齋為庫東西為號舍

長樂縣儒學在縣東紫金山下宋紹定中縣令葉奉

始建于七都之龍岡淳祐初縣令林朝孫脩之元至

元庚寅徙縣于今治乃建學于治西 本朝因之額

設教諭一人訓導二人成化四年知縣黃瑜視其地

庫隘始徙建今所陳用貞記學校之設所以明人倫

未嘗不以此為重洪惟國朝以武功關九有以文

德綏萬方故此郡邑皆設學校選民間俊秀命師儒

及士生斯世何且幸歟長樂為惠之屬邑治舊在七

都之龍岡學亦在焉宋紹興間邑令葉奉重建淳熙

中縣令林翰孫增脩兵燹至元庚寅遷縣于今治西

建學於縣西至順六年縣尹程願學重建元季又燬

于兵教諭廖伯舟復建於洪武三年知縣周矩教諭

陳仲泰改造於洪武十八年正統五年提調學校僉

憲彭公疏知縣俞伯慎教諭郭用楷再創豎靈星門

後興脩而每有其人豈非吾夫子之道與天壤相為

悠矣而不可泯滅者乎成化改元之四年香山黃公

瑜來知邑事首謁之廟眎其地卑濕逼近城池至春

夏雨漲水皆漉漫慨然欲改遷之遂具實遣人聞于

俸三十石為之倡聞者咸欣躍出貲來助買城東軍

營民居得地一區以長計之丈則五十又一濶則少

長之丈二十又九厥位面陽形勢孔良因撤其舊而

遷建焉木植之蠹者易之甄瓦之壞者補之肇工於

次年九月落成於是冬十二月殿堂門廡以及齋舍

神厨牲房靡不具備復塑聖賢像貌煥然一新比諸

如傳舍者有焉蓋學校為司民社之首務其間視學校

之為政首以是為急可謂知所務者矣然學校之完

之為政首以是為急可謂知所務者矣然學校之完

之為政首以是為急可謂知所務者矣然學校之完

之為政首以是為急可謂知所務者矣然學校之完

之為政首以是為急可謂知所務者矣然學校之完



美如是來游來歌者荷朝廷作養之恩蒙憲臣提  
 督之力尚宜各勗乃心致乎明體適用之學異日擬  
 魏科濟艱仕皆田此奮樹立勲業惠澤生民斯無負  
 今遷學之意若夫玩愒歲月旅進旅退不能振拔有  
 為是不惟有玷於名教抑亦為士者之羞也予以黃  
 公斯舉之大不可所以無述因據學校遷建始末而書  
 之俾居是者知所以自勵且用告夫後之來者云  
 十一年知縣李顥易靈星  
 門以石弘治間教諭張鏞脩膳堂知縣黃坤重甃洋  
 池正德中知縣楊繼宗脩殿及戟門吏目陳焯增脩  
 垣墻始徙山巔旗纛縣廟嘉靖元年僉事施儒引水  
 入泮池儒自記畧嘉靖改元歲在壬千冬十月既望  
 西亭施子敬謁文宣王廟下顧泮池久涸窪  
 者且龜折歎曰非制也謀于諸生安所得水乎或有  
 以鹿坑之泉為言者亟往視之有道焉遂命老人周  
 廷金者鑿圳穴城不三日而水至崇朝而池盈則又  
 導其餘流遵官墻迤邐經分司周旋以達於湟於是

向之涸者淵焉其淳濬鑑焉其光明潤及草木輝映  
 庠無諸生來言皆欣欣有手舞足蹈意予亦樂與諸  
 生共之也明年癸未貢士顏容端適登進士科自長  
 樂為縣未有也又明年春水嘉黃子選以提學歐陽  
 子檄來攝教事詢得其故則又懼其流之不能長也  
 強予記其事以告來者諸生盍亦觀諸此水乎昔以  
 無源而涸今以有本而盈學問之道不俟他求而得  
 矣天下之物皆實理也聖賢之論皆實事也道不遠  
 人味者弗之思明年廼建尊經閣增號舍十年僉事  
 耳諸生勉乎哉  
 吳彥築地增脩學宇建明倫堂大之十一年建敬一  
 亭十四年知縣于寶增建先師廟十五年僉事江滙  
 改儒學向登泮池建青雲橋二十五年僉事徐緝重  
 建黃佐記長樂儒學肇于有宋繇七都徙城西垂三  
 百禩而庫坵弗支成化已丑我祖雙槐公作宰遷  
 建于茲捐俸廡宇益闕以壯顧地脉源白龍川之霍  
 山與冀方中鎮名適相符乃賦詩以勵士識者曰唐



虞之際才莫盛焉駿茂其彙興乎自是池蓮告瑞賢  
科接武寔先兆云辨方正位嘉靖丁未御史楊君以  
渝其始垣棟勳疏亦日以剝嘉靖丁未御史楊君以  
誠守巡朱君憲章周君宗鎬行部至縣用訓導梁子  
邦猷言檄縣新之所舉弗贏罔敢措手是冬巡臬徐  
君緝來鎮茲土慨然以為已任即傲邦猷主其事採  
木于山不憚險峻山助先師廟庭樹表考宜移右近  
有四附來昧宮崎偏於塹者封而平之導廉坑父堙  
北以泉入于泮池徵後傑勿架構塗堅經始戊申冬十  
二月奕奕閔壯完舊益新翼以兩廡聯以號舍遷戟門  
尺前祀名宦鄉賢于右啓聖祠旁庖福單備復創  
御箴亭踈後山之麓錙銖不私工程告竣而實興復  
拔其尤寔邦猷之功也時則朱尹良訓領其凡義民  
陳欽典膳卓希漢亦與有勞焉惟是明倫堂則李尹  
德用緒正成之次及兩齋莫不端整庠士卓光表蔣  
德洙請予紀諸麗牲之碑予惟堯舜之道乾道也夫  
子翼之曰君子進德脩業忠信所以進德也脩辭以  
其誠所以居業也知至至之可與幾也知終終之可

與存義也乾乾惕若聞厥訟心則至善在焉操存少  
懈惡自妄生雖契復起教以人倫亦偽而已堂齋命  
名之義其在斯乎予少讀書至執中安止聖人真若  
不可跂而及也及觀子張問忠信徒義之教大學兩  
言慎獨以義為利於乾道無不脗合焉然後乃知德  
者心也惟幾故精去利欲以盡性者也業者事也惟  
康故一行義理以蓋倫者也人孰不有言為我故堯  
事下學上達一以貫之而已矣豈以多言為我故堯  
舜之教人也其不善者必觀其德格而後以禮  
言颺以樂是已其用人也其德者必考其業舉以禮  
而敷納以言明庶以功是已親睦敦叙之化即其振  
德之本舉而措之爾初未嘗如世之談心學者持守  
空虛而棄其運用流行之實也我祖以弦歌化劇盜  
成良民以興學校致禎祥育俊又作縣且然而況君  
相父毋天下者乎方今堯舜在上賢才不然而況君  
帝光天之下至于海隅蒼生萬邦黎獻共惟帝臣誠  
千載一時也長樂之俗淳樸不事技藝有忠信之資  
者或未好學有脩辭之學者或未立誠繼自今行必  
謙心念無妄性與天會則德日進言必顧行事事  
無妄倫由性叙則業日脩於戲人皆可以為堯舜多



士昂哉崧高降神誅於周雅霍三十二年知縣李德  
 山靈秀勿視為虛昂哉多一  
 用重建鄉賢名宦祠明年修進德修業二齋及學門  
 訓導黃應舉倡諸生增建禮門義路坊修東西號房  
 今制前為先師廟為東西廡為戟門門之東為名宦  
 祠西為鄉賢祠泮池在其南為靈星門為神厨為宰  
 牲房學後為明倫堂東為進德齋西為修業齋齋後  
 為訓導宅堂之北為膳堂為啓聖祠祠右為射圃有  
 亭少東為敬一亭亭西為教諭宅東西列為號舍  
 興寧縣儒學在縣治之東南宋嘉定中始建于縣東  
 百步咸淳四年主學盧龍躍飭之元末兵燬 本朝

額設教諭一人訓導二人洪武四年縣丞劉昭輔初  
 建成化十二年提學趙珪改門東面鷄靈山遷射圃  
 於學東立觀德亭十八年御史徐瑁以諸生請始即  
 舊嶺東道徙建今學弘治八年知縣黃縉建尊經閣  
 兩齋號舍易民地及池以拓之十五年知縣陳孔明  
 脩兩廡戟門易靈星門以石正德三年知縣智佑脩  
 號舍十一年知縣祝允明增訓導宅于右偏嘉靖九  
 年知縣吳悌建敬一亭十一年知縣施幹脩明倫堂  
 薛侃記畧興寧儒學明倫堂址池陽施幹來尹是  
 邑輒欲新之將請則曰政在獲上遽請于上弗與也  
 將役民則曰政在得民未孚而役之民弗應也既而  
 政孚以籌諸僚咸曰邑學邑人之學也能以義倡宜



以義應矣以詢邑人邑之殷而義者咸曰邑人之學  
 邑人之動也吾侯先焉吾奚敢後謀既集乃以嘉靖  
 甲午冬興事檢材於山搏填於野皆出于民之私而  
 公帑無所于費中建堂旁為庫舍為齋廊凡若干楹  
 明年二月春落成又明年庠生張翹輩馳幣請記予  
 辭以疾申曰堂明倫也侯庶吏也先生寧能已於言  
 乎予惟學之弗脩倫之弗明久矣苟有意于是誠能  
 已於言乎今夫煬者之於火其薪同刮者之於鑑其  
 劑同未有弗明者也然而不明則非然別之未至必  
 其薪劑之弗良非薪劑之弗良必其樵取傳方之有  
 誤也知其有誤則將循而用之乎亦擇取而更易  
 之乎乎曰天下之達道五所以行之者三三者天下  
 之達德所以行之者一也周子曰一者無欲也十三  
 無欲則靜虛而動直此易簡之學作聖之要也十三  
 年知縣方述脩文廟建啓聖名宦鄉賢祠林大欽記  
 舊在治東南成化間業已改建之矣弘治時有黃知  
 縣者復增二池其前者為大池稱泮焉為學形勝也  
 道通來往其左者業為動招龍氣蓋堪輿家云然率  
 莫填也學改建既久丹青闇忽廊廡圯頽又民居

侵池道且塞潦雨則流汚雜淤有司者卒莫覩也歲  
 丙申方侯至縣謁于廟仰觀俯思喟而嘆曰嗚呼廟  
 其蕪哉廟蕪無士蕪士蕪風蕪吾其不能一可以政乃  
 諏日度材徵工就功始督前池復其故道實其左池  
 為廡入餘租下學宮仍作均左騰較右起鳳乃作  
 啓聖祠祠東西作名宦祠鄉賢祠乃學左作花書院  
 作崇儒坊又有科貢題名承流宣化雜坊興焉飭舊  
 鼎新築虎起頽凸凹完齋於是王宮奕奕廊廡翼翼  
 諸坊棘棘遠而望之如莪如律如飛如革興寧學煥  
 然矣學經始於丁酉季冬告成於戊戌仲夏是舉也  
 力不農妨費不官損役不年踰蓋於戊戌仲夏是舉也  
 侯措宜而訓導黃輝實襄其終始云十五年知縣黃  
 國奎復建啓聖祠今制前為先師廟為東西廡廟南  
 為戟門為靈星門廟後為明倫堂左右為神庫堂北  
 為訓導宅堂東為進德齋西為脩業齋東齋之南折  
 而東為道義之門門南出為儒學門門東為敬一堂



亭西為啓聖祠亭北為教諭宅又北為訓導宅門南  
為泮池啓聖祠東為名宦祠西為鄉賢祠

和平縣儒學在縣治之西正德十六年立縣治廼建  
學額設教諭訓導各一人嘉靖二年知縣劉琰增置  
官廨號舍宰牲房甃臺立名宦鄉賢二祠規制畧備  
歲久且壞嘉靖二十六年僉事范惟一督縣修葺之  
至三十五年始告成事今制前為先師廟為東西廡  
附兩廡東為名宦祠西為鄉賢祠為戟門為靈星門  
廟右為啓聖祠後為明倫堂東為進脩齋為號舍堂  
後為教諭宅左為訓導宅前為儀門為學門學之西

為敬一亭

潮州府儒學在府治東北宋紹興十一年知州徐璋

建舊在西郊咸平間徙城南慶曆間立于東岡之湄

元元祐四年遷于湖山之麓七年又徙州之東南隅

元建炎二年即神霄宮為學紹興八年二十一年知州張

元元四年知州林燦增置二齋景炎二年燬于兵元

至元二十一年總管丁聚建講堂齋舍至順三年總

管王元恭甃石為泮池教授鄭暉易靈星門以石

記二廣南服之極南也三陽又東廣之極東也古先  
聲教之暨于其地蓋不與中國同然天之生斯民始  
之秉是性豈以地之遠近偏正而異哉或謂潮人始  
未知學自韓文公為刺史而後士皆篤於文行夫韓



未至潮以前固已有趙德其人惡得謂之未知學乎  
 國朝承宋文盛之餘潮之士學非唐元和時比矣至  
 元戊寅郡庠燬于兵憲官相繼脩復而未克完也丁  
 侯聚之典郡也講堂齋舍初構張侯處恭之按部也  
 廟殿門廡畧具湖人以爲甲小弗稱王祀先聖之儀  
 悉願更造以民則蔡景猷石柱三十以官則判官小  
 云赤海牙助緡錢一千既有其資乃議遷孔廟于學  
 之右天曆庚午春僉事任侯仲琛又率諸官捐俸命  
 羣工輸材於是大成之殿不日而巍然其隆也廓然  
 其敞也明年郡牧王侯元恭華之以黜聖之彩翼之  
 以左右之廡民居叢雜喧聒逼迫論而徙之也域混  
 弁繚以宮牆尊嚴闕恤昔所未有又私出錢五百緡  
 塑兩廡從祀像明倫堂竦立孔廟之左於是潮之願  
 學始大備董營繕者教授李復學正劉貢珍也至順  
 三年春有事先聖虔告成績邦人士咸喜乃來請文  
 以記亭川吳澄曰王常以泮宮爲諸侯之學魯侯脩  
 泮宮頌於詩而不書於春秋何也蓋春秋常事不書  
 非常乃書脩泮宮常事爾然則潮學之記其效詩人頌  
 美之辭歟抑做春秋記事之筆歟澄謂他郡之脩學  
 常事也潮郡之脩學則非常也何也潮爲東廣諸郡

最中人以下往往喜官茲土亦有素號勝流一旦入  
 境如飲廣界之泉然靡不毀節壞名安於落汙泥坐  
 穢溺而不悟豈直司牧者忘其所已戒理而窮欲又焉  
 亦失其所謂憲如是狗物而喪已司憲者若任侯焉  
 知崇士學迪民彝之當務今而司憲者若任侯焉  
 牧者若王侯焉其篤意於廟學也事之非常者也可  
 不特書乎前之張憲丁牧及郡判官事俱可書也然  
 春秋所書之非常者書其異於古以勸也嗚呼世之庸  
 誰不受變於流俗惟豪傑不然豈仕朝之官而無一  
 豪傑乎澄嘗攷古驗今密窺天下之故而俗亦能感  
 教固能導率其下以革易其所習在下之俗亦能感  
 動其上路轉移其所以爲虞芮二君爭田一覩周民之  
 讓畔讓路赧然自愧而息爭朝之士果能明經果能  
 脩行雖隱處未仕人而望而敬之官于潮者儻見如  
 此之士雖有謬戾亦必頗有慚作雖未幡然改悔亦  
 必少戢其縱恣繼今以生予於二三千里之外聞潮  
 郡之士庶循接踵則可驗潮士之學足以轉移其上  
 而非止其勉也  
 本朝因之額設教授一人訓導四



人正統二年知府王源重脩大成殿兩廡及新雅樂  
天順七年知府陳瑄重建明倫堂作儀門及東西四  
齋弘治六年知府周鵬置學前地建號舍八十間嘉  
靖九年知府丘其仁建敬一亭闢靈星門前民地而  
廣之十五年知府鄭宗古重建明倫堂四齋二十一  
年同知王貴脩號舍射圃二十六年知府郭春震脩  
廟廡堂齋號舍三十二年颶風大作知府陳叙重樹  
戟門三十四年知府黎遵訓重樹卧碑三十六年知  
府陸佐脩飾學舍頽壞重拓射圃于學之陽  
海陽縣儒學在府治西舊附郡學右宋紹興中知縣

陳坦遷今地景炎三年燬于兵元不復建附生徒于  
郡齋 本朝興學額設教諭一人訓導二人洪武二  
年通判張傑創建永樂間叅政鄭阜義重建大成殿  
兩廡宣德八年御史丁寧重脩兩廡戟門靈星門正  
統元年知府王源以官地易民居而廣之徙靈星門  
外臨干街內鑿泮池甃以石明年知縣李衡建明倫  
堂興賢育才二齋天順八年知府陳瑄重建大成殿  
及饌堂易靈星門柱以石成化九年知府謝光即饌  
堂舊址建後堂買學西民地建饌堂號舍弘治九年  
知縣饒塘以學西舊驛地增建號舍俱廢嘉靖間知



府王袍丘其仁重脩呂樵記畧海陽潮州之附郭邑

即古潮陽也其學舊附府學西偏有知縣陳坦者遷

置府治之西製錦坊宋理宗紹定間知州孫叔謹知

縣張煥皆嘗增築重脩而端宗景炎三年兵燹盡矣

府國朝末樂宣德正統間參政鄭阜義御史丁寧知

廣也王源諸人雖嘗繼脩以拓前元舊規然隘者莫能

地既因於僻陋士遂習以偷惰教諭常熟陳君察積

監察御史陞大僕寺少卿以薦讓高賢謫典是學既

至而潮守王君袍志同人謀協義舉夫然後廣臨

崇卑補缺平陷棟楠咸明宇序皆飭既落成屋計文

廟七楹庶東西各十楹戟門五楹騰蛟起鳳坊牌二

座金計初用三十斤實地實缺陷者用六斤益用二

介終用二十斤官計潮州府同知劉侯秉鑑通判張

侯繼芳陳侯碩黃侯洪泰侯傑海陽知縣朱侯德禎

儒學教諭吳鳳訓導張賓寔惟贊襄而君與太守王

侯袍丘侯其仁則相為終始者是役也經始嘉靖

七年三月吉日記于十

教諭陳察以學後地早買民

年七月二十六日云

池實土議建尊經閣未就遷去嘉靖壬辰庠生林人

欽狀元及第僉謀知府鄭宗古遂不竣工二十四年

陳虞山實池之功同知王貴始闢閣垣而一之二十五年知府郭春震

增脩二十七年知縣褚宗祿建敬一亭于尊經閣三

十六年知縣李奇俊復徙于明倫堂教諭訓導廨俱

在先師廟右

潮陽縣儒學在縣東南宋紹定三年知州孫叔謹建

景炎中燬于兵燹元縣尹崔思誠建大成殿至正九

年知縣雷杭建明倫堂及兩齋林泉生記畧全正九

堂成明年東西序列舍成邑尹雷杭彥舟以書來屬



守是邦也以賢聖之道導其民故其民至今興於學  
 邑舊廟學廢前尹崔思誠始新王宮監縣俛列立麓  
 作戟門兩廡繪諸從祀惟師生講習之室隘陋弗稱  
 杭懼韓氏之流風善教因是而墜為作斯堂廣弟子  
 員日視其業敢求子之言勗其人於不朽予曰潮陽  
 之政知所本哉邑民有范天麟者捐其所居之地以  
 拓講宮是習其父兄之教以尊信韓氏者也可以書  
 若夫堂廡高廣之度經費之數皆畧而不書彥舟建  
 安進士其進本於學云至正 本朝額設教諭一人  
 十年冬十有一月朔日記

訓導二人洪武二十八年教諭李文政重脩名兩齋  
 曰進德脩業正統五年主簿黃容建號房十間十年  
 知縣劉源洪割膳堂景泰四年知縣何晟重建明倫  
 堂天順七年叅政劉煒知縣陳瑄易靈星門柱以石  
 砌泮池造祭器成化二年僉事弋立增建號房十一

間李齡記畧潮陽縣學在邑治東南可四三十步而  
 來至邑而止前有嶺嶺導于華陽郡山嶺登降施靡而  
 袤數百里灑灑潢漾浩無涯際析流而東注于海門  
 而出東山在其左龍從碣磯突然橫跨於東南外障  
 大海西山在其右蒼崖秀壁高插層漢遠與梅花諸  
 峯相映故潮之為邑雖四而山川人物之盛唯潮陽  
 為稱首潮陽之勝雖多而一邑風氣所鍾則專於儒  
 學學之前禮殿在焉殿脩於宣德丙午尚如故后講  
 堂及東西二齋毀於風雨者久矣景泰甲戌同知方  
 君述縣丞湯君垣教諭尹君克贊等募邑人尚義者  
 各出已資以周德純董其事鳩工市材撤而新之高  
 朗弘深大勝於前天順壬午廣東布政司左叅政劉  
 公煒按察司副使今右副都御史陳公燠潮州府知  
 府陳公瑄復脩靈星門及泮池門舊以木屢易屢壞  
 悉更以石又鑄銅爵百三十又八備春秋祭祀之需  
 成化紀元乙酉僉事弋公立邑令尹公鑑教諭陳公  
 侃又增建號房十有一間為諸生肄業之所學宮至  
 是無一而不備經始於是年之冬以戊子秋九月訖  
 工訓導郭政孔希鳳乃走書江西俾齡記其事以傳



永弘治八年知縣姜森購民地建拓教諭住廨及號舍一十間正德十一年知縣宋元翰建海濱鄒魯二坊及脩明倫堂嘉靖九年奉制撤像十二年同知劉秉監脩號舍十三年教諭周朝任鑄祭器十六年通判胡裕建啓聖祠門廡俱備典史陳公陞重脩文廟祭器十七年御史王德溢委主簿嚴賓脩明倫堂饌堂十八年七月颶風大作殿堂祠宇門齋住廨悉毀尚待脩葺舊志所載神庫神厨宰牲房石砌牲池今皆不存學倉三間在明倫堂左近來糧已折色而倉亦損壞

揭陽縣儒學在縣治東宋紹興十年置縣即建學亭

祐六年知州陳圭重脩景炎三年燬于兵熒元重建本朝因之額設教諭一人訓導二人洪武三年知縣唐宗義訓導全大冲永樂二十年知縣徐資重脩天順七年知縣陳爵買民地以廣學基建號舍進德齋脩業齋弘治八年知縣彭惟方教諭鄭昇脩明倫堂十三年知府葉元王建尊經閣及射圃嘉靖五年主簿李本脩明倫堂饌堂齋舍敬一亭在學門左學倉在儀門左教諭宅在東齋今久廢借居饌堂訓導宅在啓聖祠左及西齋後名宦鄉賢二祠在戟門左右

程鄉縣儒學在縣城中南宋梅州學也元以前無考州學初建于



大市後街之東南隅乾道九年知州黃德復遷于城  
 之西北天慶觀州守游瘦創而未備淳熙十二年知  
 州黃爰建像雲橋於學前慶元六年知州劉煥增學宮新十哲像  
 齋舍學正鄭南升記南海屬郡潮為大朝之屬郡程  
 廟諱以梅易敬熙寧癸丑嘗歸朝後亦復初紹興丁  
 巳如熙寧纒三年又復甲子適周矣雖曰僻在嶺表  
 而自唐元和來韓文公守潮置鄉校趙德督生徒程令  
 躬為之師問里後生無所從學命趙德督生徒程令  
 民固在其中至元符初垂三百年劉忠定公又謫于  
 此謂語不妄然後可入于誠諄誨學者蓋天以兩賢  
 嘉惠茲土舊矣故其士淳其民僕學校以教之尤不  
 可已異時二千石自暇相易蒞職習俗未遽知政事  
 未易脩凡可設施多累月之餘猶為吏所牽制安意  
 營職亦不過期歲已逼合符正使心乎教養而為之  
 也惟劉侯則不然侯潮人也治程江循本郡也初仕  
 即尉于此習諳其風俗周知其材用力易下車以慶元  
 五年之仲冬越明年問春之朔即增學官新十哲像

備續從祀凡齋舍職事下至庖湍之屬悉加于舊學  
 廣四倍增生員創小學四齋弦誦之聲日聞前守陳  
 自脩以忠定公配享文公至是各為之祠以瞻以儀  
 厥仲夏吉朔合僚佐衿佩二百人慶其成於是教授  
 陳陶掾曹姚得鵬程鄉令李昌齡歌詩三章章十句  
 以美之謂吾儕諸生於遠方見聞淺陋公為吾父  
 既廣其居又豐其食公為吾師既約以禮又教以文  
 六十年來花洲之識彰而未應公一振之即有身都  
 黃甲者又買良田租積久收為錢送之禮無以報父  
 師之德當強其志益積其業庶皆有成可以少益南  
 升竊以為公用心遠大皆人所難為教授張如圭林  
 又嘉諸生之能拜公賜不敢不書  
 若谷相繼建大成殿紹定三年燬于寇學正鄭奇遷  
 於貢院舊址本路使趙師楷知州葉敷榮共建大成  
 殿兩廡戟門扁講堂曰明道嘉熙三年燬于寇淳祐  
 元年知州李鑑遷今所元至元十七年燬于寇元貞



二年僉事張處恭重建未竣大德元年僉事忽刺出成之 本朝洪武二年省州三年設學校改為縣學額設教諭一人訓導二人主簿房秉正脩大成殿明倫堂戟門兩廡靈星門兩齋十七年堂齋燬于火二十四年典史廖仁改造正統九年知縣文琳建大成殿兩廡成化元年叅政龔毅僉事毛吉檄知縣丁傑易靈星門以石弘治三年僉事袁慶祥新文廟創明倫堂陳獻章記朝之程鄉縣儒學傾圮久矣今按察廣東監察御史劉公纓分巡嶺東道僉事李公德美往來為之勤借財用以相其成此學宮之設有文廟有明倫堂前後位置所見皆同亦程鄉之舊也袁公因地之形勢廣狹而更張之尊左則廟次右為堂皆

其而並峙此則學之大觀也廟土以像世相沿襲與廟前祠杏為壇夾以兩廡戟門之東祠鄉賢西祠后土泮池在靈星門之內池之左為宰牲所堂之東西偏為兩齋為諸生號舍道義門與儒學門相望東廡之上神庫西齋之上神厨廟與堂之間會饌堂居之北列廡宇凡此皆出於袁公之規畫授圖於縣令俾成之總之為羣凡若干楹自辛亥迄癸丑三易寒暑而後成其形勝雖極壯麗則亦天下之通制不書可也袁公不以風教落第二義追惟古先聖王立學教人之本意而作新之袁公所以望於程鄉則不可不告也今夫南面而朝亦南面而堂一以奉古之人一以居今之人正乎尊乎並立乎其間此維因地而寓形而教未始不存也夫子太極也而人有不具太極而生者乎語以四科稱群弟子由漢以來儒者以言語稱者幾人以政事稱者幾人以文學稱者幾人其間足以方駕乎古人而絕於當世者亦鮮矣况德行乎顏子超然於卓爾之地所以遨遊乎聖人之方而玄同乎聖人之神者非可揣摩而得也故其言曰夫子步亦步趨亦趨夫子奔軼絕塵而回則瞠乎其



後徵顏子其孰能知之親切如此夫苟從事於斯雖未即優入顏域亦庶乎閔冉之間而由求又有不屑為者矣予嘗聞程鄉風俗善多而惡少孟子曰鷄鳴而起孜孜為善者舜之徒也鷄鳴而起孜孜為利者蹠之徒也夫三尺童也聞人稱其善則喜稱其惡則怒是何心哉予老矣彼將有感吾言而興起者乎辛君貴以袁公之命具其事之本末遺生員陳珀乞記於予故為之一言葉栢鍾譽揚偉咸以義官董諸役栢又借珀來謂文費莫大於納粟指揮陳昂義官鍾華次之其餘助者又七十餘人名氏多不具載宜刻之碑正德八年知縣張欽重建大成殿兩廡靈星門陰云泮池祭器庫饌堂九年知縣張戩增號舍十六年知縣唐繼仁重建大成門嘉靖四年署縣事訓導張賢撤饌堂建尊經閣八年主簿黃騰教諭李寬立敬一箴亭十年知縣林潭建啓聖公祠二十五年知縣黃

進建會饌堂今學制中為先師廟左右為庫房兩廡前為廟門泮池靈星門後為明倫堂兩齋西為敬一亭啓聖祠號舍宰牲祠學倉明倫堂後為教諭廨左為訓導廨

饒平縣儒學在縣治東大金山前成化十三年額設教諭一人訓導二人成化十四年創講堂知事毛文政成之十五年知縣楊昱建明倫堂正德十二年參政張簡僉事顧應祥復學地嘉靖十年知縣許璧重建明倫堂十五年知縣翁五倫重建廟廡門堂十六年教諭黃魯建學門縣丞徐澄以石易靈星門柱二



十二年署縣事經歷羅諤縣丞鄧洵鑿泮池今學制  
中爲大成殿殿後明倫堂前儀門講堂養賢堂崇德  
廣業齋祭器庫致齋房經書案卷房道義門內外號  
房十八間敬一亭三間教諭廨一訓導廨二學塘二  
學舖六學倉二射圃一

大埔縣儒學在縣治左額設教諭訓導各一人嘉靖  
六年知縣歐淮建二十二年教諭劉寓春建講堂增  
號舍二十四年知縣曾廣翰建學門脩明倫堂齋舍  
號房二十七年教諭吳箴改建大門三十四年教諭  
陳堯道脩廨三十五年知縣吳思立修號舍訓導廨

一麟脩廨三十六年知縣吳思立復脩講堂敬一亭  
在儒學左

惠來縣儒學額設教諭訓導各一人嘉靖四年知縣  
蔣恩建于縣署之北十八年爲颶風壞十九年御史  
洪垣參議汪大受知府龔湜通判魏一恭諸燹僉議  
改建于縣署東即府館舊址也二十二年颶風復毀  
知縣官德章重脩又建博文約禮二齋建號房會饌  
堂於明倫堂之右建教諭訓導住廨於堂東西敬一  
亭在明倫堂後三十年知縣林春秀脩號房啓聖祠  
博文約禮二齋三十二年建大成殿兩廡戟門靈星



門泮池明倫堂神厨祭器三十三年創學塘觀海亭  
學門儀門宰牲所

肇慶府儒學在城東舊在縣治東宋崇寧初行舍法  
隘其地遷城東富文坊郡守毛衍經始歷林景章張  
漸兩守乃成之紹興間郡守李麟鄭起沃增創元季  
脩葺後燬于兵 本朝額設教授一人訓導四人洪  
武二年知府步從信鼎建十六年撥糧田入學即上  
獺塘始行丁祭宣德間知府王瑩新之先建廟次建  
學天順初西寇流劫兩據學宮知府黃瑜奏准遷于  
城中東倉地復市軍民地以廣之左學右廟成化間

知府李遜改學門甃泮橋弘治間知府黃琥重脩  
學士張元禎記畧肇慶府儒學初在府治東宋舍法  
行隘其地更徙城東一里許富文坊我朝因之天  
順間為西獺殘毀成化乙酉前守桂林黃公瑜以間  
遂內遷今處時尚急遽規制多未備者于茲垂三十  
年凡百就敝丁未秋今守豐城黃公琥至甫謂視即  
愀然不寧曰茲朝廷教化之原教化吾郡守責也  
茲弗治餘可知已顧肄業之舍會食之堂尤所不可  
緩則首荆之凡三十四間次殿廡次靈星門次御  
書樓次明倫堂次齋次禮樂器次庖湍缺靡不補壞  
靡不脩外而周垣亦悉易以磚石舉之維時為之有  
漸不棘以夜不久以隳至今弘治甲寅秋工始告通  
訖廟學規制於是煥然一新視昔益偉而備矣  
判李敏立射圃正德元年知府黃顥脩大成殿及厨  
庫十二年通判呂洋脩明倫堂及書樓嘉靖六年總  
制兩廣新建伯王守仁增脩堂齋十年奉 制撤像



廣雅通志卷之三  
名宦祠鄉賢祠俱在縣學北與文峯並  
一  
改大成殿額曰先師廟建啓聖公祠又建敬一亭樹  
七礪十一年巡按御史吳麟知府錢鐸遷于城東舊  
址復市民地以廣之遂與縣學同遷而合廟今學之  
制中爲先師廟列爲東廡西廡前爲戟門又列爲神  
厨神庫外爲靈星門街南有泮宮坊臨江護以闌干  
復甃夾道皆用石近廟而北爲啓聖祠近祠而北爲  
敬一亭近亭而北爲天啓文峯通判劉隆築之廟左  
爲府學明倫堂分四齋東曰居仁曰立禮西曰由義  
曰廣智前爲儀門列號房又前爲儒學門講堂左明  
倫堂北今爲教授宅西爲訓導宅廟之右爲縣學若

名宦祠鄉賢祠俱在縣學北與文峯並

高要縣儒學在城東一里府學右舊在縣治東府學  
遺址宋政和甲午郡守毛衍即以地爲縣學歷元興  
廢莫考 本朝額設教諭一人訓導二人洪武初創  
建廟東學西如制十年知縣胡本道增脩又置射圃  
永樂十七年知縣常庸徙堂齋于殿後以舊堂齋基  
爲學倉爲廡宇宣德七年知府王瑩脩堂樹齋正統  
間提學僉事彭琉偕知府瑩復學後侵地以築書樓  
繼新大成殿鑿泮池亭射圃增築西偏號舍又復學  
前侵地爲廡宇

學士李時勉記畧高要縣學在城治  
之東宋政和間所建元末兵燹學廢



國朝洪武中因舊址修復之然其地陔隘東逼衛治  
 西逼縣墻前臨大街後近于城雖有隙地而為成卒  
 所據師生講誦無廳棲宿無舍書籍無所藏飲饌無  
 所設殿堂廊廡悉已弊壞祀事無所揭虔正統戊午  
 提督學校僉憲彭君毓敬巡歷至是欲擴而闢之顧  
 瞻左右莫可為力獨其後軍營實舊學地雖失之已  
 久而理有可言衛帥聞之即揭軍營以其地來歸君  
 於是即其地廣為高閣若干楹上以貯國朝所降  
 詔勅及所賜書其下中為諸生講誦之所西為饌堂  
 東以會饌閣之前為明倫堂堂之兩傍為閣皆三間  
 下以為兩齋上以貯經籍子史諸書堂之南為大成  
 殿兩廡戟門靈星門以次而成其西有池曰浴沂池  
 水深而長傍池之東為屋若干楹以跨于池上覆以  
 板闌檻軒窓踈通明遠牀帳几席悉具以為諸生退  
 息之所池之西為射圃南為教官廨宇凡三所其二  
 南向其一東向皆通出至於神厨庫廩庖湏之處莫  
 不備具地雖陘隘而規制壯觀有加於昔經始於正  
 統戊午之春三月明午巳未春三月訖工高要判簿  
 鮑宣文司訓景泰七年同知饒秉鑑奏准以官倉空  
 李瓊共成事

地易軍營撤書樓為兩齋天順七年知府黃瑜知縣  
 朱茂建儀門及齋南號舍成化三年知縣劉欽重建  
 明倫堂靈星門七年知縣孫珍重建戟門廨宇弘治  
 間知縣左濬改儀門于文廟左正德二年知府錢世  
 用重脩十二年知縣秦行健建杏壇于書樓北自後  
 廟學益圯不治嘉靖十一年巡按御史吳麟知府錢  
 鐸乃大建于城東今地蓋與府學同遷合廟云今學  
 制在先師廟之右中為明倫堂崇德廣業兩齋東西  
 以翼之兩齋而南號房對楹接于儀門甬路外號房  
 亦對楹會于大門講堂在明倫堂之後今為教諭宅



惟射圃尚缺

四會縣儒學在縣治東南舊在金岡山下創建莫考  
宋咸淳己丑即遷于今地建大成殿戟門景炎間建  
堂齋號舍元末摧圮 本朝額設教諭一人訓導二  
人洪武初重建永樂十一年知縣顏寶重脩景泰間  
知縣楊煥建書樓成化六年提學胡榮命知府黃瑜  
改建明倫堂大成殿兩廡門庫齋堂號舍書樓饌堂  
一新正德十四年知縣蕭樟重脩嘉靖七年知縣張  
璽重脩堂齋十六年知縣羅愈定學田租銀二十五  
年知縣莊深建敬一亭又建尊經閣三十年知縣陳

自然建儒林門易靈星門以石及建射圃今制明倫  
堂後為啓聖祠祠後為尊經閣閣後為敬一亭堂東  
西為兩齋兩齋南為號房號房南為儒林門儒林門  
右為靈星門內列神庫神厨其北為戟門戟門左為  
名宦祠右為鄉賢祠北為東廡西廡為先師廟若教  
官廡別建

新興縣儒學在縣治東南舊為新州學宋天禧間創  
建嘉定中郡守楊承祖重脩趙汝勉記畧新昌初建  
類宮於郡城南氣象宏  
偉棟宇壯麗面勢得溪山之勝淳熙丙申余嘗宦侍  
屢獲觀禮迨今能識之後有感于陰陽曲說次年遷  
于今址一時欲速而殿宇簡陋木不整壽陶非精實  
風雨逢迎迨今三十餘年椽桷欹蠹覆甍剝剝因循



玩襲不足以振士氣而興人心嘉定辛未臨漳楊侯  
 由循陽貳車政績顯異當路合辭以聞于上因辟守  
 是邦天子嘉嘆即命其請侯以是歲三月被寵命臨  
 見吏民首拜謁大成殿下仰眎徘徊然於衷謂風  
 化之本觀瞻弗稱守之責也退而謀更新之顧民力  
 單貧郡計未給百度博約惟從中制越明年用度紆  
 民情孚乃鳩工度材增卑而高關隘而敞輪奐之美  
 一出侯之經畫經始於仲冬廣文郭君從周董之未  
 幾陳君絃來分教閱兩月遂竟其事費需於公役不  
 及民落成之日闔境奔走聚觀心目忻快侯於七月  
 二日合郡之秀民鄉飲酒禮冠帶圍集者幾五百人  
 斯禮廢已久侯因人之和躬率賓介登降拜跪獻酬  
 有序千里風行知有敬長遜弟之可樂熙熙濟濟如  
 在鄉魯之鄉其感召之速有如此者侯以余夙契始  
 書俾記其實囑且至再新昌余舊遊也稔知其俗醇  
 而易化樂聞有賢侯之政士民蒙幸誠所希遇安敢  
 以不辭元大德中知州高芝重建殿齋 本朝洪武二  
 年革新州為新興縣因改州學為縣學額設教諭一

人訓導二人縣丞孫守正鼎建廟學正統三年知縣  
 雷晏重建講堂號舍饑堂厨庫學倉射圃天順七年  
 燬于寇知府黃瑜一新之成化中通判李敏增建正  
 德十一年知縣王琮復射圃侵地嘉靖十六年知縣  
 胡堯時建啓聖祠二十七年縣丞姚階樹靈星門以  
 石始建辭宇又建敬一亭今制先師廟居中翼以兩  
 廡南為戟門左為名宦祠右為鄉賢祠分庭左為烹  
為宰中空鑿泮通橋橋南為靈星門門左為儒學門  
 右為敬一亭廟後為明倫堂堂東西為兩齋堂後為  
 尊經閣閣後為啓聖祠兩齋後為二訓導宅又東北



為教諭宅射圃嘉靖二年副使王大用改遷南城  
 陽春縣儒學在縣治之西宋慶曆四年建于南城  
 厥後興廢莫詳暨元季益圯壞 本朝額設教諭一  
 人訓導二人其今革洪武二年知縣黃景明遷建于今  
 地永樂七年縣丞吳子育重建殿廡戟門靈星門明  
 倫堂兩齋厨倉射圃悉備正統三年提學彭琉命知  
 縣宋啓重修成化五年燬于寇七年知府黃瑜大新  
 之正德十年知縣黃寬重修殿廡堂齋嘉靖十年知  
 縣陽和建啓聖祠敬一亭三十二年知縣謝復生重  
 建文廟并飭兩廡堂齋號房江治記聖人之道如太  
和元氣流行於宇宙間

雖歷數千載嘗如一時雖深山窮谷靡所不畱故其  
 教之入人也無小大衆寡智愚賢不肖苟有得焉則  
 昏者明儒者立如草木之遇春陽氣之所乘暢茂喬  
 秀日異月改有莫知其所以然者此聖人之道之教  
 夫豈一方之可無一日之可缺焉者哉 國家稽古  
 崇儒觀文成化遵孔子之道 詔天下罷縣建學立  
 廟以祀之搆之堂廡與其齋舍定之規制設官選俊  
 朝暮誦法焉而夫子之宮牆徧于海內矣陽春邑屬  
 肇慶僻處南隈環山負陵襟巖帶洞形勢險逼其地  
 志所云也儒學之建舊矣然歷歲既久而有司不加  
 之意故日就頽圯嘉靖三十二年謝尹復生來知邑  
 事首務學校因以白于諸司計材鳩工舉而新之明  
 年告成乃率學之師生請予為記予乃言曰夫學何  
 為者也所以學為聖人者也聖人教垂百世道在六  
 經鋪其糟粕未有不充然厭飲者昔子貢有曰夫子  
 之室數仞不得其門而入不見宗廟之美百官之富  
 今茲孔廟新成仰聖有所吾人陟其堂階入其門戶  
 揖升趨進望之儼然如其上固與不得入門者異  
 矣豈不足動其願學之志乎夫脩學有司之事也以  
 學自脩者君子之責也若其高堂隆棟挺桷開楹規



圓矩方準平繩直於吾人學問之道固皆有互相發  
者多士育于學宮已嘗習見舊學之廢乃今又見其  
聿新焉則遠觀近取觸目激衷自新之機將必有油  
然生淳然與者是故歷階而知蠶等之戒循牆而審  
防意之幾心齋即廣居之宅出門如大賓之見求仁  
以脩身及時以脩業如萬物得陽氣之舒萌芽甲拆  
數榮脩達熙然於春風化雨之中而有不仁焉者鮮  
矣如是則有司之脩學誠於一鄉之士有助而德成  
材達拔茅彙征將彬彬然以善聞於天下而無負於  
邑之名為陽春也然則聖人道教之所及信非嶺海  
人之所能限而今日興學作今制先師廟兩廡戟門神  
厨靈星門備啓聖祠名宦祠鄉賢祠備儒學明倫堂  
兩齋儀門備饌堂號房庫房及官衙三所  
陽江縣儒學在縣治東舊南恩州學宋慶曆四年始  
創于城南紹聖中知州丁璉徙城內東南隅淳熙中

知州梁球建大成殿嘉定中知州陳岳鄭浦重脩殿  
廡堂齋增置祭器元末圯于兵燹 本朝洪武初省  
州入縣遂改州學為縣學額設教諭一人訓導二人  
知縣張翼再造之天順七年賊燬僅存禮殿成化二  
年僉事張祚重脩廟學建藏書閣二十一年僉事陶  
曾以學宮湫隘乃遷建于今地李東陽記畧陽江肇  
恩州州故有學在城外東南二里許宋紹興間徙內  
東南隅 國朝洪武初始改為縣即州學故址為縣  
學且百年矣天順末為流賊所掠廟學荒穢不可復  
治兼以地僻隘莫能為久遠計成化乙巳按察使陶  
公魯承 勅督廣東兵務暨提學僉事趙公珪圖所  
以易置之者相地于嶺西分司蓋故州治地也既又  
以為未廣捐舊學地質民地若干取以益之據高狹  
爽迥脫蕪陋乃鳩工役市巨木為大成殿及東西廡



及戟門其後為明倫堂及二齋又後為尊經閣又其  
 後為肄習之所像設器物以次咸具黜陟丹漆煥然  
 改觀既有成績今豐城黃公號來知府事暨知縣朱  
 侯確以下承陶公志益克拓之樹石為靈星門蓄水  
 為泮池築土而為牆其旁加苦覆焉於是學之制大  
 備自建置以來未始有也戶部主事劉君芳實出茲  
 學嘗奉使南還目睹其盛胥議于教諭李正德九年  
 剛訓導郭劍暨諸庠生請予文以紀其成  
 主簿林景和重脩兩廡戟門嘉靖七年主簿楊任脩  
 建堂齋號舍經閣學門今學制先師廟列東西兩廡  
 神厨庫房在兩廡之南前戟門又前石靈星門及泮  
 池廟後明倫堂二齋齋東南儒學門堂後啓聖公祠  
 祠左右名宦鄉賢二祠戟門外東教諭宅西訓導宅  
 又東西號房二所若經閣饌堂俱圯射圃久廢

高明縣儒學在縣治東成化十二年始置縣額設教  
 諭訓導各一人知府李璩創建大成殿兩廡戟門靈  
 星門明倫堂兩齋號舍厨庫弘治間典史黃觀作泮  
 池橋亭于門外又建講堂正德十五年通判潘鷓重  
 修嘉靖五年知縣陳坡重建殿廡堂齋戟門儒門厨  
 庫號舍樹靈星門以石又創聚奎樓倫以諒記畧成  
 多故民迺弗靖於是守上者議聞於朝迺築高明城  
 既立縣治遂建學宮以弼成政教惟草創爰度弗敷  
 甫及五紀頽圯滋甚於是聞之陳侯坡以嘉靖丙戌  
 來令茲土視事三日迺謁先聖像登明倫堂遍及學  
 舍慨然不學遂進教諭伍君倫訓導鄧君尚烈暨諸  
 生徒而語之曰工必居肆業乃攸成學必從群道乃  
 克明工不肆則失其業學不群則失其道夫學校者  
 群於道者也學弗建群乃渙道弗明化匪行於是遂

高明縣志卷之三

禮部志

三

一



以丁亥年三月捐俸募工先之以殿庶次之以堂齋  
 醫宮又次之以戟門靈星門役不病民財不費官越  
 數月而工告成嚴觀翼環宇畢式渙者以群怠者  
 以惕皆侯之力也主徒嚴厲揚銳等以侯之功不可  
 忘求以諒記之夫先聖先賢道之主也堂與舍道之  
 居也靈星道之戶也由其戶思造其居造其居思見  
 其上足舉也寧無豪傑之士觀二十八年知縣陳富  
 感而興起於千百世之下者乎  
 春重建講堂號舍及建射圃三十四年教諭湯濬建  
 登賢亭三十五年廟學為颶風摧毀知縣徐純建東  
 齋修號舍今制儒學明倫堂其東養賢齋其西育德  
 齋東齋南為儒門左為聚奎樓又北為講堂若堂之  
 前為先師廟為兩廡為戟門為石靈星門以次而南  
 戟門之傍為神厨為神庫廟之東有樓臺為禮門為

義路殿堂之西為官廨二所

恩平縣儒學在縣治西與宋南恩州學相邇傳雲南  
 御書閣孔子小影記先聖之貌像去聖既遠見於載  
 籍者或擬之黃帝成湯或謂其類唐堯夏禹其他世  
 傳追侶之說有不足道也竊惟夫子之道天下後世  
 仰之有如異天壤而共處越宇宙而同時至於元聖  
 素王之表則學士大夫往往常患所傳或異鮮得見  
 其真雲頂嘗得夫子四十六代孫孔壽家藏小影乃  
 唐人吳道子之名筆載夫子按几而坐從以十弟子  
 見者莫不竦然注其耳目如出乎其時如見乎其  
 如親侍於洙泗之間豈易得哉秀叨守南恩教授陳  
 君輯請圖其像於州學御書閣且曰此唐人名筆海  
 嶺所無况經兵火之後其像尤難得若表之閣中不  
 惟俾遠方士子得以瞻仰誠有如親與十哲握衣請  
 益以吾夫子之前豈不甚善乎嘗謂蘇東坡頃作潮  
 州韓文公廟記其言曰始潮之人未知學及公命進  
 士趙德為之師自是潮人皆篤於文行至今士流輩  
 出為時顯人者甚多皆韓公有以勉之之力也今南



恩自朝廷復興庠序以來士之義冠博帶爭趨場屋者幾千人其間篤志肄業者固亦不少而書名桂籍者獨未聞有破荒之士豈朝之人可以勤激而南恩真像使邦人益知嚮風則行將見有志之士彬彬焉出他日撥取巍科翁赫海嶺者宜潮之人獨擅名於嶠南哉念是事不可以不書愚圖繪不能久傳再刻之石且冠以四朝御讀使學者咸知列聖嚴師重道之意如此紹興辛未季秋重陽日左朝散大夫新荆湖北路安撫司叅議官權知南恩州事傅雲記○黃公度權南恩州謁夫子祝祭文其不佞以天子之命監郡高要越暮月部使者眷恩平缺守檄某攝承既治事之三日率諸生展奠致誠其深惟夫子不陋九夷乘田委吏必躬必親矧今右文之朝遐荒遠裔化為闕里而其辱在民上以司牧之其敢鄙夷其民以怠厥職先訓有曰其身正不令而行其鄙不敏請事斯久廢入恩平堡 本朝成化十六年置縣額設教諭訓導各一人 都御史朱英按察使陶魯創建大成

殿兩廡戟門靈星門明倫堂兩齋

陳獻章記畧恩平古恩州之域

朝置恩平驛隸陽江縣今恩平堡是堡立於成化之巳丑先是西徠入寇景泰天順間剽掠高涼以東亘數百里無完城戍爭起從賊遠爾巢壘相望成化改於此鎮焉既而賊勢復熾當道者以恩平地四達難守簡我邑令鬱林陶侯魯素有威畧至則急構其巢穴既殺其桀黠者遂以其衆還於郡縣且數萬人而

又慮其向背靡常即一日復起為患有如前日克斤其將何以待之此堡所以定也成化丙申右都御史桂陽朱公英奉勅督兩廣軍務既至環視列郡昔嘗為賊所破者遂謀所以善其後謂恩平故多虞且其地介數邑之間當東西路之衝送往來民助於道路者無虛日不如以堡為邑便會我陶侯亦以武功累陞按察使奉 聖書專經畧是方公於是俾侯城之區畫既定悉以上聞凡割陽江新興新會三縣人戶三千戶糧一萬石縣仍驛名城以堡建無所改歲舊城之中為治戎之所東則縣治西則學官既成諸士子遠近雲集學舍不能容誦絃之聲盈耳過



者歎曰美哉洋洋乎昔為盜賊之壘今為詩書之府  
誰之力歟邑令翁君儼以書來屬予記其事而尤於  
學宮卷 繼建尊經閣儀門號舍正德二年脩建靈星

門嘉靖初教諭費願脩建儒學門未幾廟學為颶風  
頽毀至二十八年知縣阮琳重建今制左廟右學先  
師廟翼以兩廡前為戟門門東室為名宦祠西室為  
鄉賢祠前為泮池外為靈星門廟後為啓聖祠祠西  
為號房東為敬一亭儒學明倫堂兩旁為號房前為  
儀門外為儒學門堂後為公廨左右為廂房射圃今  
圯

德慶州儒學在州治東舊為德慶府學創建于城東

紫極宮故基宋元豐四年遷建于府治東即今學地  
慶元初郡守趙師璉置書買田紹定淳祐間郡守陳  
宿馮光繼增學田至元末教授林舜咨建大成殿尊  
經閣同知王榮祖建明倫堂總管孫輔臣增脩  
本朝洪武九年改為州學額設學正一人訓導三人  
正統中提學彭璠命判官朱智脩建殿廡戟門靈星  
門雲章閣知州謝必賢繼創明倫堂三齋成化間知  
州李瑛周儉管淳次第增脩弘治三年知州王淮重  
建尊經閣號房厨庫戟門十五年知州楊祭增脩殿  
廡嘉靖十五年知州陸舜臣重脩二十一年知州吳



汝新重建殿廡改甃泮池增脩學門號舍今制前為泮池北為靈星門為戟門為東西兩廡為先師廟廟後為明倫堂旁列為三齋東依仁西遵道崇德堂後為雲章閣東為學正宅後為二訓導宅廟左為禮門為義路南為儒學門神厨神庫宰牲所在戟門左右號房在學之東射圃在西門外今俱圯

瀧水縣儒學舊在開陽鄉元大德間縣尹陳鐸遷建于城南三里 本朝因之額設教諭一人訓導二人  
今革洪武二十二年知縣晉善鼎建正統十三年燬于徭賊景泰二年知縣周剛奏准遷建城內西南隅

五年巡撫都御史馬昂命同知饒秉鑑撤而新之成化九年知縣林昂重建戟門正德二年同知翟觀遷建于縣治之右嘉靖十九年知縣鄭復易學後民地為廨宇三十六年提學李遜以學宮廢壞且非其地復命遷于城南三里舊址今始興事

封川縣儒學在縣城東北舊在縣東山宋康定庚午創建皇祐間燬于寇遂遷于城東北今地又三遷竟復其處咸淳庚午典教事張驥重建歷元脩葺 本朝因之額設教諭一人訓導二人永樂八年壽州同知歐必森撤而新之十二年縣丞楊隆重建廟學天



順四年燬于寇僅存殿廡堂齋成化五年知縣萬顯  
重脩學舍祭器移明倫堂於後地爽塏而兩齋隨之  
弘治十八年知縣張琇重脩殿廡靈星門正德四年  
知縣黃瓊建儒學門八年建尊經閣嘉靖四年知縣  
潘海重修殿廡戟門靈星門儀門又建射圃今制儒  
學明倫堂東齋曰博文西齋曰約禮繼以號舍前峙  
曰學門堂之西接曰尊經閣堂之東接曰神厨其先  
師廟今與堂差遠東列曰東廡西列曰西廡前峙曰  
戟門左曰名宦祠右曰鄉賢祠又前峙曰靈星門而  
泮池獨當門中若完壁焉有教官宅三所在城內

開建縣儒學在縣治西舊在城東元末燬于兵城

本朝洪武三年主簿郝暹鼎建額設教諭一人訓導

二人其革八年知縣龔行徙于縣治西後為洪水崩

潰宣德八年署縣事張嘉會徙于縣治東仍罹水患

成化九年教諭陳瑚請于巡撫都御史朱英遂遷建

於今地二十一年知縣廖賓建殿廡戟門靈星門明

倫堂饌堂兩齋號舍庫房嘉靖十年署縣事典史黃

世鐸建啓聖祠十五年知縣呂賓增置號舍今學制

先師廟居中兩廡次之戟門靈星門又次之前為泮

池東西號舍二所又前為儒學門廟後兩齋接列明




倫堂次之教諭宅又次之若啓聖祠在廟左莫狀元祠在戟門左進賢門在靈星門左而東齋之東則敬一亭在焉射圃廢

高州府儒學舊在電白縣治元大德八年遷府治于茂名縣學亦隨遷在府之東隅洪武初知府沈奇建立同知岳福重修額設教授一人訓導四人景泰間知府何盛復葺之成化元年流賊攻陷府城學隨廢附郭居民被賊火廬咸據學地為草舍以居七年按察副使孔鏞平賊撤民居復學地建大成殿及兩廡先賢祠靈星門外立盛德光輝坊改學門於東建明

倫堂四齋禮門丘濬記高涼郡學興於公私力屈之

有要為之有其方則不難於成十數年來海以北地為尚徑所侵掠民什喪其七八官府岌岌然居民上斥事一切粗具上之人亦不甚拘以文法按以故事至於學校一事尤以為不急之務視之蔑如也廣東按察副使闕里孔公詔文獨慨然太息以謂民物凋弊甚矣必欲復承平之舊觀非振作志氣固結人心不可得已必欲復承平之舊觀非振作志氣固結人心之明教化之所理義之所從出也所謂動之之機用之要為之而的有可效之方其不在茲乎始公以名進士出知邊縣擢知高州府事以撫綏得宜控制有方為當道者論薦起貳憲臺奉 聖書專理高雷二郡兵務然其心尤倦於高顧惟士氣疲蕪人心渙散所以申明教化使民知趨向明義理使民知感發無有先於教學之事者於平節縮費用量度事宜取用於財屈之餘沒力於民鮮之時其所施為措置蓋視他郡尤難焉者凡學制所當有大成殿明





倫堂從祀之廡分教之齋其規制一復承平之舊而  
又有加焉為知高州府予豫章胡侯琳知茂名縣事瓊  
山曾若英以書來求予記其成昔魯僖公脩泮宮春  
秋不書說者謂常事爾春秋之世雖曰征伐盟會歲  
無虛月然當是時禍不及民是以學校之脩蓋未嘗  
廢雖不書可也若夫今日高涼之境自夫有司不戒  
於其初遂馴至於日里蕭無蓋藏凡所以養生  
喪死之具一切蕩盡尚何修教與學哉於此之時  
有能以餘力及於教學之修例以為常而不書哉  
孔公此舉可謂得其機要而少可効之方詩曰既  
作泮宮淮夷攸服蓋理明則人心固人心固則士氣  
作士氣作則彼蠢然冥頑者亦將惕然感動幡然歸  
順矣運其機舉其要行其方正德四年知府陳腆復  
而必効者孰有過於此哉

建大成殿八年知府陳嘉表脩理殿廡戟門泮宮坊  
嘉靖元年知府莊科重脩廟廡戟門靈星門聖域門  
賢關門明倫堂兩齋祭器庫講堂號舍射圃東西

乃黎貫記羅高州府故有學明倫堂在廟右廟  
于城牆規制弗倫敝且日甚嘉靖壬午太守莊科  
以知郡事謂學校以興風化教成人材敝陋乃爾仁  
以學憲副歐陽鐸泊撫按藩臬諸公咸報曰可乃市  
民居僻城牆撤舊學得巨基焉首建大成殿次東西  
廡次大成門靈星門及繫牲之厨貯器之庫以楹計  
凡若干殿後建明倫堂東西建四齋旁列會講堂觀  
心亭及眾賢之祠諸生之號以楹計凡若干而外  
鑿泮池闢門道樹文明泮宮射圃三坊於前下至儲  
書之室庖湍之所凡學制所宜有者無一不備勞五  
費雖鉅而民不擾經始於癸未冬落成於丁亥春五  
年建敬一亭九年建啓聖祠在學塘二口二十一年知  
府李廷璋改建于兩學之中列號舍二十餘間二十  
六年知府歐陽烈脩學大門扁外曰崇正學內育真  
才射圃在縣學東與府學共之

三才射圃在縣學東與府學共之



茂名縣儒學額設教諭一人訓導二人洪武十四年  
始設學於城內西北後設千戶地狹用教諭劉原  
議遷於城外東山寺故址天順年兵燹成化五年  
知府孔鏞併學一府正德五年蓋生楊節奏復提學  
林廷玉行之六年知縣林渠復建于舊址立明倫堂  
兩齋學門儒林坊于舊址嘉靖七年巡按御史周模  
措置磚甃學路百五十丈脩築週圍垣墻十四年知  
府鄭綱知縣易本仁復建廟無戟門靈星門學門牌  
坊學塘一口在靈星門外二十七年知府歐陽烈遷學門新二  
坊落聖祠名宦鄉賢祠俱附府學先是二坊外扁曰

造宮墻重新後另外曰入三十八年知縣韋弁重脩  
道之門內曰何天之衢  
廟無及明倫堂行大僕寺卿服德何彥記孔子道在萬世教化無窮薄海內外罔不風被  
自古建國君民教學為先立廟以崇祀設官以敷教  
凡以淑人心易民俗者極其周備故教化行而士習  
正美俗成有由然矣高涼郡在嶺服之外其俗樸其  
民愿其感也易然谿峒叢錯或至梗化在昔蒞斯土  
者率多名賢若晉太守楊方發明五經以淑髦士自  
是風氣攸開人文漸著無異中州其教化之功不可  
誣已國初詔天下郡縣立學茂名至洪武辛酉始  
建學于城內西北隅後移于城外東山寺故址成化  
己丑知府孔公鏞以兵燹之餘生徒漸少奏併茂名  
于郡學正德庚午監生楊節奏復督學副使林公廷  
王勘報如其奏茂名知縣林渠乃即城內舊基建明  
倫堂東西二齋堂後為教諭廨堂左為訓導廨然廟  
猶未立也嘉靖乙未莆陽鄭公綱來守郡乃督縣尹  
易本仁創建文廟兩廡各三間戟門靈星以次而  
成宮墻在望聖靈有受而規制大備矣歲久缺脩殿  
廡朽壞靈星頽塌乃白于督學副使李公遜議呈撫



院止支官帑七十金所值不需當事者難之縣尹桂  
 林韋君弁始至節用愛人然謂學校首務是役不可  
 以已也彈力區畫捐俸統費郡守周公仕貳守李公  
 渭咸贊其成乃易廟之前後貳楹以及兩廡靈星皆  
 撤故而新之明倫堂亦加脩葺興事於嘉靖戊午冬  
 越明年秋七月而上告畢民不煩而事克集邑學教  
 諭潘君槐訓導王君以佐遣庠弟子歐生歌舜馮生  
 衣告曰吾邑學始而併終而折先後沿革與夫良有  
 司興復建置向未有紀載者今章尹又煥然新之其  
 歲月顛末宜有識也屬紀于茲予嘗考周禮自州長  
 而下以及黨正族師閭胥其近民者教彌數今制  
 惟郡縣有學郡則一郡之士在焉邑則教止于一邑  
 然而制亦廣備矣茂名始以兵荒併學于府自折復  
 以後士由邑庠而賓興者較前為盛則興學之功顧  
 可少與又嘗稽之古之學者書其德行道藝糾其過  
 惡士知敦實學修實行仕無大小皆有實用如徒課  
 試文辭掇科取第以為教學在於是抑未矣是故長  
 貳師儒必崇古教化以正士心士游于庠者必以德  
 行道藝為先講求正學明體適用以不悖乎聖賢之  
 道則于建學造士之本意斯為有得而有司之脩葺

改葺者亦匪以  
 侈美觀焉爾矣

電白縣儒學舊在寶山下元季兵燬 本朝額設教

諭一人訓導二人洪武初知縣劉原隆遷于縣治東

南成化四年僉事陶魯遷于神電衛五年知府孔鏞

大新之陳獻章記畧邑何遷遷避寇也先是電白在

謂其守宰曰形勢不足以守邑宜遷遷必於神電衛

焉其地廣可以容其城固可以守去危就安民之類

也舍諸弗顧焉時成化戊子歲也學宮在縣治東南當

於上遂遷焉未殄草屋一間奉大成木主而已歲丙申

是以時賊未殄草屋一間奉大成木主而已歲丙申  
 未嘗不顧瞻徘徊以學校之興廢為已責而嘆其力  
 之未遑也明年歲乃克平是方之民寄命於寇賊水  
 火者幾二十年至是始道公往來巡省茲郡縣俾勞  
 來匡直咸盡其方越二載而民之病者蘇仆者起矣



公顧力可及以狀請於朱公首創學宮次及諸役許之於是闢土為基度財為用以已亥三月庚申始事越明年八月丁嘉靖十年知縣董璫建敬一亭十七未而舍菜焉

年知縣俞岳建啓聖公祠二十七年知縣譚堯道重

修知府歐陽烈建泮宮坊射圃缺學塘七口學舍亦廢

信宜縣儒學在城內東元至正十四年縣尹陳卜顏

察兒建立 本朝因之額設教諭訓導各一人永樂

四年知縣盛得中重建十二年知縣姚原立樹鄉貢題名記

十明倫堂正統四年知縣陶克修葺堂齋天順年間知縣

顏玉階重建大成殿成化四年知縣李時敏復脩大

成殿兩廡遷于城東南七年建靈星門禮門正德八

年知縣虞玘重修嘉靖十四年典史前編修程文德

遷于縣左建明倫堂齋房知縣謝彬復建正殿敬一

亭學門十九年知縣白譜建靈星門二十五年知縣

何文俸復建戟門啓聖祠二十七年知縣許述修葺

射圃廢

化州儒學舊在州治南宋嘉定二年郡守范良輔遷

于城外咸淳六年教授趙蜚英遷于城南後燬于兵

海北海南僉憲呂沆重建 本朝洪武初郡守曹錫

修之額設學正一人訓導三人宣德八年知州呂銘

建大成殿儀門兩廡正統八年知州茅自得重建明



倫堂三齋十三年築州城圍學在城內天順七年知  
 州吳春重立靈星門成化七年知府孔鏞同知曹慶  
 脩明倫堂三齋十一年知州黃萬碩仍遷于城外舊  
 址正德八年知府陳嘉表復脩殿堂齋廡戟門嘉靖  
 間知州鄭雍傅昂相繼修理惟射圃缺學田在陵羅  
 鄉計一十一

頭八十五  
 畝四分

吳川縣儒學在縣治東元至正九年主簿唐必達教  
 諭吳仲元脩建 本朝因之額設教諭訓導各一人  
 洪武十四年縣丞汪季清重脩大成殿兩廡戟門靈  
 星門堂齋禮門成化己丑知縣邵宣重脩嘉靖二十

七年知府歐陽烈重修射圃學田七頃  
 八畝零

石城縣儒學舊在江頭舖南元皇慶間隨縣遷於高  
 峰舖東黃村天曆間仍隨縣遷於新和驛左即今學  
 元季兵燹 本朝額設教諭訓導各一人洪武三年  
 縣丞倪望重建殿堂齋廡戟門學門洪武九年知縣  
 崔惟中增脩靈星門射圃成化間知縣陳綱重修遷  
 于西關外回龍嶺嘉靖十三年署縣印吏目丁琮建  
 觀德亭于射圃北二十一年署縣事經歷丘正改建  
 于縣治西前為先師廟兩廡又前為戟門又前為靈  
 星門後為明倫堂東西號舍堂之左為教諭廨右為



啓聖祠二十七年知縣鄒伯貞建名宦鄉賢祠置學

田學田一十二畝在縣坊廖門前

廉州府儒學舊在城東門內後遷于南門外元總管

程逖遷還舊址元末燬于火洪武二年重建額設教

授一人訓導二人成化八年僉事林錦重修十年知

府劉烜始造樂器嘉靖十七年知府張岳改遷于南

門內玄妙觀制中為文廟為東西廡為戟門為靈星

門又前為泮池造樂器延樂師擇子弟之俊秀者教

之十八年知府陳健于學左隙地復建號舍二十間

黃佐記 皇明宅有天下垂二百禩風教所孚暨于  
炎海荒逖絃誦蓋誦誦如也廉視海南為邇其人

聽款樸茂然府學故在東北隅地勢滂下上氣常舒

以故宿與漸鮮嘉靖乙未惠安張公岳來知府事懼

無以稱 聖天子作人至意乃程上業而砥勵之凡

裂綴之文高虛之說一切屏去士亦翕然從焉既三

載政成民裕同知餘姚朱公同泰節推末嘉王公民

彌僉議以南門內玄妙觀爽崇峻厚可居令訓導廖

景春朱衮達諸當路請兩易之覆議報可首用金易

民居五十間增廓其地併計匠役木石之費僅一百

餘兩經始以戊戌秋八月即觀故址中建先師廟前

為樂舞臺左右翼以兩廡前為戟門又前為泮池又

前為靈星門自戟門右達則為宰牲所廟後為明倫

堂東西各為齋東齋之南門出循東廡之後為儀門

外通以長道為儒學門其東為啓聖公祠又前為敬

一箴亭東為名宦祠西為鄉賢祠又前為門而門之

東其內為衙宇西齋之後又各為門亦各為衙宇繚

以周垣躡躡靚深且立文明坊於通衢昭聖化也功

未告成而張公擢浙江學憲以夫代者同安陳公健

益加悲致以終厥事次年冬膺月落成使吳生禎來

徵文記焉予惟民生而蒙蒙貴養惟養本乃端比長

而學學貴行惟行道乃成是以小學之法務養以正



使由之而後使知之大學之法務要其成使知之而後使行之弗養而使知之知是無玉而琢也弗知而使之行是瞽而索塗也故養而後知知而後行教學之序也詩曰天生蒸民有物有則民之秉彜好是懿德夫則也者理也窮究其理物格之謂也格之者其惟脩身而盡倫乎耳目聰明之類所以脩身也父慈子孝之類所以盡倫也得其本萬物備擴而克之盈天地凡夫理之幽明巨細遠近淺深無弗貫於一者學之卑陋者惟知記誦標掠以業舉而其高虛者則又竊取圓覽之說以亂真二者之弊不同其悖先王教學之道一也子朱子嘗曰學始於知惟格物足以致之知之至則意誠心正而大學之序推而達之無難者及其作瓊州學記惟引蒸民之詩道以身心之所固有然則其所謂格物者豈求諸外而遂遺其本哉近世發明朱學宜無若泉之蔡氏而張陳二公皆以承學出於其鄉相繼振起廉士而賓興之必有超瓊州才雋而上追鄒魯者矣然則圖回化理用對 聖天子之休命其在 二十年署府事廣東市舶提舉王茲哉庸書以俟

宗濬建牌坊于靈星門右扁曰聖門二十六年知府胡鰲造兩廡神龕脩殿廡門三十三年知府何御脩樂器置書籍復建祭器書籍庫于明倫堂後神厨神庫宰牲所戟門右啓聖公祠儒學門內東敬一亭中立東西立五箴碑

合浦縣儒學附廓昔未建學洪武八年合浦裁革十四年復設教諭訓導各一人知縣盧文會乃於新城東興文坊立學以附府學之左正統七年提學彭琉成化八年僉事林錦弘治十四年知府王樞正統五年僉事李瑾前後建脩嘉靖十五年知府張岳改遷



于城外南屯拓地方數十丈中為文廟左右為兩廡  
 前為戟門外為靈星門殿後為明倫堂堂後為教諭  
 廨堂左右為兩齋左齋北為訓導廨南為門門左為  
 三寶祠出為儀門門左為敬一亭為儒學門前為泮  
 池尚書秦金記畧東廣列郡維十獨廉僻處海隅嘉  
 靖乙未年秋八月淨峯張公奉命來守茲土銳興  
 文教郡學舊建城之東北合浦縣學附建在其旁地  
 位墊濕堂殿傾圮號舍鞠為茂草官師子弟殊弗堪  
 公瞻視之餘咨嗟嘆息聿興遷徙之念踰年政通人  
 和乃得善地於城南移文所轄各大司為遷學之舉  
 勞費皆獨任不需公帑遂於丙申十月之吉表正方  
 位經材允工首建公廨二區俾司教者得以棲息次  
 明倫堂又次兩齋高明軒朗視舊倍蓰矣大殿兩廡  
 儀門及靈星門非巨材無以勝任乃祭告山川之神  
 動衆伐木於大廡山中桴載海運厥惟艱哉十月  
 癸巳日夜颶風大作黎明海忽漂木百六十餘株河

濟人皆驚駭月餘忽漂巨木六十株至大小皆可勝  
 任不數月而厥功就緒宮室以間計者四十有二垣  
 墉以丈計者一百五十有二前鑿泮池深廣得宜後  
 疊山高至數仞然後規模壯麗氣象攸芋兢兢翼翼  
 巍然煥然式稱其為泮宮矣十八年知府陳健復增建號舍二十  
 間二十六年知府胡鰲重建靈星門及東西二樓閣  
 修文廟兩廡及儀門明倫堂兩齋敬一亭三賢祠二  
 十四年知縣胡濟世見門堂祠廡俱各就敝復加脩  
 葺敬一亭在二門左嘉靖三十四年知縣胡濟世重  
 建

欽州儒學舊在城南門外宋治平元年移建城東門  
 外崇寧三年建三舍以其狹隘徙於州南淳熙四年



知州安陽岳霖開拓重建

張拭記安陽岳侯霖為欽州之明年政通人和乃經理其州之學悉易故之庫陋廟堂齋廡次第一新

來謁記久未設也又明年其學之教授周去非秩滿道佳復以侯意來請且曰欽之為邦僻在海隅地近夷而俗尚利逢掖之士蓋鮮有焉惟侯不敢以其陋而鮮加忽也故新其學以勸之且求一言以示後庶或有起也拭於是而歎曰是可書也已夫所為建學者固欲其士之眾也今夫通都大邑操觚習辭發策決科肩摩袂屬必如是而後謂之多士乎哉殆未然也夫寡國鮮士亦何病十室之邑必有忠信之質者焉其成就與否則係乎學與不學而已學也者所以成才而善俗也今欽雖僻而陋也其士雖鮮也然其間亦豈無忠信之質者乎無以揭之曷以昭之無以道之曷其通之為之嚴學宮於此詳其訓迪以明夫入倫之教聖賢之言行薰濡之以漸由耳目以入其心志其質之美者能不有以感發乎其所感發則將去利就義以求夫為學之功而又以訓其子弟率其朋友則多士之方豈不庶幾矣乎異時人才成就風俗醇美其必由侯今日之舉有以發之請刻記于學以

俟淳熙四年甲子

紹熙五年知州黃旦改建於州署東南即

今學地元至正中燬于寇 本朝興學額設學正一

人訓導二人草創學堂未遑備制洪武七年重建宣

德三年守備都指揮程瑒重建提學彭珣特書其賢

于碑天順中復燬于寇成化五年僉事林錦讓分司

為明倫堂堂左貨民居為文廟弘治八年知州袁苜

復遷南門外故址正德五年知州徐珪十四年知州

李純前後脩建增各宦鄉賢二祠歲久傾圮嘉靖十

五年知州林希元復改城中故址制中為文廟為東

西兩廡為戟門為靈星門廟後為明倫堂堂後為學



正解為訓道解為東西齋東齋南為儀門三十四年知州鄧以和建啓聖公祠敬一亭名宦祠門在戟鄉賢

祠在戟門右宰牲所又在鄉賢祠右

靈山縣儒學在石六場東南去縣治二里宋治平二年遷縣治之東寶祐四年攝尹趙崇商復遷石六場故址元末燬于寇洪武四年重建額設教諭一人訓導二人三十四年知縣李善初遷于縣治東正統五

年靈山築城景泰元年知縣羅宣改還城中千戶所之東歲久而圯成化六年僉事林錦重修柯潛記畧靈山縣脩

廟學成教諭周君弘以書來言曰縣故有學廢壞於元季重建於國朝洪武之四年歷歲既久日就搖

壓有司無有以興學為念者其間雖嘗稍加葺理然規制簡陋采繪弗彰不足以稱聖天子崇道右文之心天順四年僉事林侯特以合浦訓導用巡撫都憲崑山葉公之薦為靈山知縣慨然有志興學以振文風顧以從寇方殷未遑及也既而寇平以懋功陞蘇州知府又進今官奉勅守廉州乃諭學官耆老謂兵寇之餘凡百廢弛之事皆宜以次脩復而學校為治化之本在所當先遂選工聚材蠲日舉事廟自大成殿及兩廡儀門神厨學自明倫堂及齋舍庖湏之所皆撤而新之宏偉壯麗實倍於前經始於成化六年十月而以七年十二月畢工其資費不取於民而民樂於成功咸誇嘆以為盛事侯名錦字彥章連江人周君字人材弗振或歸諸地嘉靖十四年僉事王崇從衆議復遷于故石六場其制中為文廟東西為兩廡為戟門為靈星門廟後為明倫堂其啓聖祠及教諭訓導廡均在故址西門城外建舖舍十五間遍年每間賃銀四錢收貯在縣脩理



儒學十七年僉事孫世祐市民廩建厨一所五間又建齋堂一間號舍八間東西衢建禮門義路二坊學之規制至是始備宰牲所敬一亭俱在新學啓聖祠在舊址十五年僉事王崇建

雷州府儒學宋慶曆四年建于城外西湖之東嘉祐八年郡守林昆脩余靖記三正四代質文殊跡苗治室矧於郡國其可廢耶本朝一祖三宗以聖繼聖夷落之外威無不讐海隅之內惠無不洽先皇帝類詔郡縣謹科條精里選廣生員敞黌舍講經義崇儒術然而州邑之吏或迷於簿領或急於進取故於承流宣化有不至者海康瀕海之郊也地域雖遠風俗頗順聖訓涵濡人多向學頌條首怠於誘導無乃上格明詔下塞群望殿省丞揚咄林昆奕世儒學被服文翰既奉休命出守是邦樂得賢才而教育之乃援前

詔廣學宮而新之相地考古必就少陽之位春秋釋菜則先聖先賢之像不可不嚴也朝夕誦誦則函不接武之堂不可不廣也翱翔博習則居處不可不雅也勸勤黜惰則號令不可不肅也將俾稽古力行以孝顯其親以道致其君不徒習威儀考聲音而已矣今天子上詔堯舜之明內脩曾閔之行總攬綱維旁求俊乂固將馳弓旌空岩穴收四方秀茂之傑益闡先皇化夷狄之道諸生當體賢太守之意以副國家崇學之詔也書來巧辭靖康元年郡守李域遷于天啟以此規嘉靖八年記

寧寺西紹興十年郡守胡宗道復徙于寺西北賈洋地所載惟蜀與閩距京師最為僻遠在昔文雅之士初寥寥無聞焉及文翁守蜀常衮守閩頗能建立學校博選弟子自傳經受業躬自飭勵未幾儒雅文采之士將得齊魯後有楊子雲歐陽詹輩出焉粵自漢唐以來稱文物之盛惟蜀閩由是知天之降才本無殊顧在上者作成之何如耳夫嶺嶠乃國家之鉅屏也擅山海之利比屋富饒人物繁夥又豈特蜀閩比耶以地隔江湖之外在人樂育之耳紹興己未狀元

廣雅釋義卷之三

卷之三

三



沈公以徵猷閣直學士帥廣右抗章于朝請郡邑復  
 學校例置學官朝廷從之故一道翕然文教大振惟  
 雷陽介在海瀕荐更寇攘學校荒弛太守胡公來鎮  
 是邦也下車之初首謁宣廟見其地形湫隘殿宇藹  
 敗喟然興嘆竊有意於作新念軍旅之後顧惜民力  
 而未遑居燕閑僚屬賓佐之間一語一言未嘗不以  
 為歎儒冠之士聞風而靡聚語曰賢太守留意於吾  
 道如此吾屬學夫子之道者也寧不動心乎乃相率  
 請府庭請各出私錢自推鄉閭宿學老儒者以董其  
 事眾共協力鳩工棟材即城之西北隅得地爽敞願  
 收創焉擇紹興十年十一月二十九日巳巳立殿胡  
 公欣然可其請且戒之曰毋撤民屋廬毋侵民畦畛  
 毋奪民三農之時眾受命惟謹故不費公家一金不  
 調編戶一氓靡督靡期弗誤弗擾曾不踰時而告成  
 中建宣聖殿東西列兩廡以繪先賢前峙高址以闢  
 三門後架隆棟以庀堂室復峻重閣以貯經史四隅  
 開四館以正師長左右六齋以為諸生肄業之所  
 致庖廩器用賓客之次備焉上木川艘不侈不陋各  
 惟其稱於是英髦雲蒸絃誦洋溢鼓篋來游者幾二  
 百人意喜盛哉歲次辛酉四月二十三日太守胡公

和鸞賜旗肅雍戾止與郡屬諸生落成乃升  
 堂揖孫溫顏以誘進之遂使瀕海遐陬不變鄰魯之  
 風雖文翁常衮之化蜀閩未若斯之盛也異時寧無  
 揚子雲歐陽詹輩復見於今乎昔詩人頌信公之脩  
 泮宮曰翻彼飛鷲集于泮林食我桑椹懷我好音以  
 美其懷德而為善也又曰既作泮宮淮夷攸服言非  
 特足以懷良善又美其足以服強梗也比以海寇跳  
 梁民無寧歲及公之來而鯨海澄瀾邊城不閉昔之  
 弄兵潢池者復轉而歸南畝矣原其乾道六年郡守  
 所自未必不由學校風化之所致也  
 戴之邵遷于郡西張栻記廬陵戴君為雷州之明年  
 並南海土生其間不得與中國先生長者接於聞見  
 為寡而其風聲氣習亦有未能遽變者其惟念所以  
 善其俗宜莫先於學校而始至之日謁先聖祠則顏  
 然在榛莽中用不敢違寧乃度郡治之西有浮屠廢  
 居撤其地少下而得山川之勝殿堂齋廡輪奐爽塏  
 凡所以為學官者無一不具用錢一十萬既成則延  
 其長老集其子弟而語之以學之故某之心亦庶幾  
 其墜者願不鄙為記以詔之予嘗觀孟子論王政其



於學曰謹庠序之教申之以孝悌之義而後知先王所以建庠序之意以教之孝悌為先也申云者朝夕講明之云耳蓋孝悌者天下之順德人而興於孝悌則萬善類長人道之所由立也譬如水有源木有根則其生無窮矣故善觀人者必以人倫之際察之而孝悌其本也然則士之進學亦何遠求哉莫不有父母兄弟也愛敬之心豈獨無之是必有由之而不知者蓋亦反而思之乎反而思之則所以用力者蓋有道矣古之人自冬溫夏清昏定晨省以為孝自徐行後長者以為弟行著習察存養擴克以至於盡性至命其端初不遠貴乎勿舍而已今使雷之士講明孝弟之義於是學而興行孝弟之行於其鄉則雷之俗其有不靡然而變者乎豈特可以善其鄉克新志也放諸四海而準可也然則戴君之所以教者宜莫越於是矣乃書以寄之

淳熙四年郡守李苑新堂齋設乾道六年七月十日

長諭分教 張拭記 淳熙四年秋如雷州李侯以書來告曰雷舊有學宮比歲日以頹壞今馬葺治一新願請記以詔其士且希白先生嘗為是州宜公之所加念也惟希白先生實杖之曾大父至和元

年以殿中丞來守雷州今所辟題名具存故李侯後以為請然其幸得備帥事於所當以風教為生務聞雷學之成雖微此請固願有以教也而况李侯之言如此哉嗟夫舜跖之分善與利之間而已矣譬之途焉善則天地之正道而利則山徑之邪曲也人願舍其正而弗由以自陷於崎嶇荆棘之間獨何歟物欲蔽之而不知善之所以為善故耳蓋二者之分其端甚微而其差則甚遠學校之教將以講而明之也故自其幼則使之從事於洒掃應對進退之間以固其肌膚而束其筋骸又使之誦詩讀書講禮習樂以涵泳其情性而興發於義理師以導之友以成之故其所趨日入於善而自遠於利及其久也其志益立其知益新而明夫善之所以為善則其於毫釐疑似之間皆有以詳辨而謹察之如駕車結駟徐行正途所見日廣所進日遠雖欲驅之而使由於徑不可得已故曰少成若天性習慣如自然此學之功也自學校之教不明為士者亦習於利而已故其處已臨事狗於便安而不知其有非所宜安也於富貴利達志夫苟得而不知其有非所宜得也夫惟狗於便安而志夫苟得則亦何所不至哉間視其所為雖有涉於



善事而察其所萌則亦未免出於有所為而然至於  
 挾策讀書亦是意耳終身由之而以為當然豈人  
 之情也哉故曰性相近也習相遠也可不畏歟夫後  
 之為治所以不及於古之世而其人才所以不及於  
 古之人者常在於是然則學校之教其所係顧不重  
 矣哉今李侯既不鄙其土而新其學宮然其所以為  
 教者則又不可以不明也故予獨以善利之說告之  
 使不迷其所趨雷之士誠能因子之言如古之學者  
 從事於洒掃應對之際以涵泳乎詩書禮樂之中從  
 師親友久而勿舍將必有能辨之者亦非予言之所  
 能盡也李侯名苑嘉泰四年郡守李皎重修塑像郡  
 守徐應龍鄭溫建雲章閣嘉定四年郡守鄭公明教  
 授鄭煬更修寶慶二年郡守陳大紀郡丞曹宏父修  
 殿堂書閣元至元三十一年隸廉訪司延祐六年廉  
 訪使卜達世禮李元展地改建尊經閣於堂後至正

七年廉訪使梁克中經歷樊益俊拓而廣之本朝

額設教授一人訓導二人洪武三年同知徐麒孫沿

舊修葺二十三年通判李彥誠訓導黃希寅增修廟

及兩廡鑿泮池建射圃末樂五年教授甘摯言于御

史周達率士捐俸廩以建適禮部侍郎胡濙至拓地

以成御史彭百鍊記畧永樂丁酉雷州府學明倫堂

被風兩隳頹久莫之葺迨己亥春三月教授清

壽甘君摯來任學事會監察御史周公叔達按臨至

府謁見先聖禮畢俛仰顧瞻無以進諸生乃語官屬

曰文武之材胥由於學校頃毀蕪陋非所以稱朝

廷教學之意已而雷衛指揮栢榮與知府事常士昌

及其僚案各出私錢以為資悉付甘君經始於辛丑

冬十月峻事於壬寅夏四月贖良材堅甃募人趨工

樂然不以其費多而役大卜築之際適禮部侍郎胡

廣通

卷三

三



書之閣觀德之亭皆嚴翼整齊真宏壯偉而高爽通  
邃既成之十月予按臨廣海過雷陽周覽學舍輪奐  
新美心竊歆羨之退坐于堂諸生揖讓進退登降俯  
仰顛顛昂昂陳設聖賢之德音藹然詩書禮樂之化  
如在董轂之下不知其為海邦遐遠之地也  
正統間提學僉憲彭琉重修

號舍成化二年郡守黃瑜推官秦鍾建戟門及靈星  
門皆柱以石成化二十年郡守魏瀚建雲章閣扁曰  
聚奎堂弘治改元知府鄧璩同知劉彬重修廟廡弘  
治九年郡守陳嘉禮脩明倫堂及四齋正德十年郡  
守王秉良增立左右坊扁曰騰蛟起鳳嘉靖初郡守  
黃行可重建齋堂創啟聖祠敬一箴亭遷射圃於南  
嘉靖十六年郡守洪富建齋廡戟門及號八座四十七

舍闢學路三十三年郡守羅一鸞重修明倫堂葺坊

表鍾芳記畧雷距會城千四百里瀕海地濕多風儒

學直郡治西建自洪武葺者屢矣嘉靖九年

上御製正孔子祀典謹於稱號服章位次塑像等威

皆命禮官議正又製敬一箴刊布學宮用垂世則天

下皆知聖心敦典右文務俾順正表裏百司仰承

休德莫敢不格於是郡守莆陽黃行可創敬一亭

啓聖祠皆如制而明倫堂重建焉丙申晉江洪富來

繼周視學宮尚多朽敝具白撫巡諸司僉允其請乃

建戟門靈星門殿廡以嚴神棲齋號養士泮池節觀

卿賢勸來名宦彰往皆併工建築宇材垣甃取良陶

甃取堅財用有節工匠有給夫役有程基雖仍舊而  
允爽棘翼倍於往昔學前舊有路义沒于民賢遷數  
四侯賞民以價芟而闢之正道蕩蕩益增眾觀焉佐  
之者節惟徐侯達總量其成教授鍾慶王繼承訓導  
王興咸與視事事竣  
二侯以書來屬芳記

海康縣儒學在府治東衛治西宋附于郡庠其後寄



于遂溪文明書院

遂溪徐聞乃古織把通角二鹽場也後以戶口日衆遂分海康徐聞

為三縣二縣皆有學而海康附于郡學而廟祭乃在遂溪書院

元大德六年教諭凌

光謙始建於迎恩坊後遂有舉進士者

范博贈海康舉進士者詩

聖主徵儒用文學翩翩五士起海角元戎虎帳飛

薦鷄泮水成材王新琢吉日舉餞鐘鼓作皇華大夫

繡朱熨快馬鑿蹄輪脫斲相送西風出郊郭問君此

行事何若於菟要是赤手縛候鴈南飛不踰嶽洞庭

山秋木葉落詞塲先鋒奪霜鏑萬里青山上黃鶴明

光宮中問禮樂董生策有經濟畧一朝聲名動河朔

往取青紫如六博前年禮門開峻擢明當接武絲綸

閣歸來錦衣照丘壑人生無如進士樂昂爾高步翔

廓至正六年廉訪使呂琬僉事觀音奴重修 本朝

因之額設教諭訓導各一人洪武三年知縣陳本沿

舊建立大成殿兩廡戟門雷聲門明倫堂兩齋庖所

咸備二十九年同知張伯玉亦樂元年教諭林仲即

觀德亭碑文在焉正統九年知縣胡文亮以學地卑

隘遂展地重脩後圯成化十四年副使陶魯提學趙

在通判劉鎮復遷建於郡學之西其年為盜寇所殘

併入府學弘治九年郡守陳嘉禮知縣林彥奏而脩

復弘治十七年僉事方良水視學基狹隘命推官李

文獻教諭鄭寬遷于海北道舊址即今所也正德八

年御史周謨重修十年知府黃秉良建兩坊十六年

遷于珠池公館嘉靖三年仍遷復郡治之東四年僉

廣夏通志卷三十一

禮樂志

三



坊以石作神尸置應鼓

遂溪縣儒學宋始建于縣治西地卑濕乾道四年遷  
瀕縣側仍弗稱寶慶元年再遷縣西登俊坊元因之  
皇慶元年教諭周孔孫重修 本朝因之額設教諭  
訓導各一人洪武三年知縣王淵縣丞諸違仍舊創  
建殿廡齋堂廡舍悉備十七年縣丞鄧義教諭謝敬  
以堂齋居於殿後逼狹弗稱遷於縣之西北二十年  
教諭陶文實重修成化間知縣楊徹龔彝相繼修葺  
弘治間知縣劉玉建兩廡兩齋靈星門戟門造祭器  
正德八年通判楊雲重建儀門十年提學章拯知府

王秉良改建大成殿兩廡明倫齋堂號舍射圃在縣  
治西北今圯嘉靖四年知府楊臻改建明倫堂聖殿  
兩齋儀門千六年知縣鄧恕作會膳堂十九年知縣  
班珮建殿廡堂齋三十四年知縣張天叙重修兩廡  
聖殿重建明倫堂兩齋

徐聞縣儒學宋始建于舊縣討崗村距今縣治西元  
大德元年教諭陳瑜白因縣治遷于賓朴村李氏家  
塾創建學宮于縣治西狹隘弗稱大德八年縣尹鄭  
聞重修 本朝因之額設教諭訓導各一人洪武三  
年知縣武亮拓地重建天順八年遭兵燬成化二年



同知黃瑜知縣鍾富將縣治并學俱遷于海安所城  
 內東西隅俱草創二十年郡守魏瀚改遷於所之西  
 建文廟堂齋弘治十四年知縣平鋼遷復于賓朴村  
 時與民休息因陋就簡正德五年知縣汪澤教諭楊  
 穡謹光建文廟兩廡堂齋十二年知府王秉良措置  
 建靈星門號房造祭器射圃在學前行西正德間教  
 諭葉秀建今圯嘉靖三年叅議李鎮置祭器十二年  
 知縣未夢昌撤聖像建啓聖祠敬一箴亭射圃亭十  
 三年推官徐遠建號舍砌殿亭十九年教諭文桂訓  
 導陳子榮置祭器二十五年知縣方逢堯李鑰相繼

修葺

瓊州府儒學在府城東西宋慶曆四年詔立殿堂御  
 書閣郡守宋守之建尊儒亭躬自講授贍學有田紹  
 興末始置學官淳熙九年帥守韓璧重修明倫堂文

公朱熹書扁

朱熹記昔者聖王作民君師設官分職以長以治而其教民之日則曰父子有

親君臣有義夫婦有別長幼有序朋友有信五者而  
 已蓋民有是身則必有是五者而不能以一日離有  
 是心則必有是五者之理而不可以一日離也是以  
 聖王之教因其固有還以導之使不忘乎其初然又  
 慮其由而不知無以久而不壞也則為之擇其民之  
 秀者群之以學校而職之以師儒開之以詩書而成  
 之以禮樂凡所以使之明是理而守之不失傳是教  
 而施之無窮者蓋亦莫非因其固有而發明之而未  
 始有所務於外也夫如是是以其教易明其學易成  
 而其施之之博至於無遠之不暨而無微之不化此



先王教化之澤所以為盛而非後世所能及也淳熙九年瓊莞帥守長樂韓侯瑩既新其州之學而使以圖來請記曰吾州在中國西南萬里炎天漲海之外其民之能為士者既少幸而有其記誦文詞之習又不能有以先於北方之學者故其功名事業遂無以自白於當世僕竊悲之今其公堂序室則既修矣然尚懼其未能知所興起也是以願有謁焉吾子其有以振之熹竊惟國家教學之意不為不廣斯人蒙化之日不為不深然猶有如侯之所慮者豈前日之所以教者未嘗導之以其身心之所固有而徒疆之以其外是以若彼其難與因為之書其所聞於古者以告之使瓊之上知夫所以為學者不外於身心之所固有而用其一日之力焉則其德成行脩而無所疑於天下之理將無難者而凡所謂功名事業云者其本已在是矣若彼記誦文詞之末則本非吾事之所急而又何足為重輕乎嗚呼瓊士勉旃天生蒸民有物有則民之秉彝好是懿德是豈有古今之間遠近之殊哉侯於是邦政多可紀已具刻於池亭之石因不復書而是役之面勢工程又非侯所以屬筆之意也亦畧不論著云是年歲在亥黠攝提格冬十月庚

申慶元間通守劉漢脩廟像祭器嘉定二年帥守赴厦重修咸淳二年教授蔣科建御書閣于講堂北元立教授隸湖廣儒學提舉司至大二年副都元帥陳謙亨重建大成殿增崇舊觀皇慶元年教授陳舜佐造祭器置大成樂至正間教授金德乃新兩廡從祀像學正符元裔補買經史諸書陳子瑚等寇城學宮燬 本朝興學額設教授一人訓導四人洪武三年知府宋希顏重建大成殿兩廡靈星戟門明倫堂四齋闢射圃于學右七年以後有司展城學址逼近軍營指揮桑昭乃廢東西營以地入學厨庫號舍饌堂



以次舉備十七年造祭器革除庚辰知府王伯貞修  
 講堂宣德初通判吳禎重修正統十一年同知楊啓  
 增號舍天順六年副使鄭彥譽禎修成化初副使曹  
 輔置銀爵唐彬增號舍五年知府秦浩建書樓于明  
 倫堂後改建靈星門七年副使涂棊闢射圃

邢宥記  
 明統一首建儒學而附之以射圃以教諸生之射蓋  
 以射者學子之事禮行於學可以觀德而選士利用  
 於武可以威敵而禦強占之聖王務焉瓊州府學射  
 圃出學宮門西行不百步有舊址焉地不滿射者之  
 力屋不蔽風雨階物不度侯候不給諸生病之成化  
 辛卯歲之春廣東按察司副使劍江涂公伯輔奉  
 璽書來按于愛一日觀射圃之陋曰是弊俗吏之為  
 也思開而新之不欲勞民乃自為措置材選其良壁  
 選其堅工選其能拓於其址之北并諸餘地而增之  
 總得廣十五步袤百步有奇盡北置射亭五間左右

附牆各置小屋三間賦皆非經直道以槩垣若  
 展茵法制備具誠可擣進退此禮樂而施弧矢矣工  
 始於公至之年夏六月庚申以是年冬十一月巳亥  
 告成總其事而董其工者郡守莆田吳侯探監諸義  
 官海忠輩也為之左右而整飭其器物者都閩雷洪  
 王公遜也公又自損益大射鄉射之禮注為射儀一  
 通俾諸生習而射之瓊上大觀者聽者莫不欣然  
 頌公能宣德意以翼文化慮久而忘之也欲立石刻  
 射儀以貽後人屬郡傳範銅祭器血濬記畧我大  
 練顯走書徵予言記之範銅祭器祖高皇帝建國之  
 初佚祀有神或惟其舊獨於先師孔子之祀用木主  
 以易塑像蓋不敢以百神例視之也至於祭器之用  
 雖郊廟之大亦惟用時器獨於天下郡縣學春秋丁  
 祭用古禮器焉得非以天地山川之祭人為以祀神  
 宗廟有神之祭則主於明道以異用皆可隨時以制  
 先師之祭則主於明道以異用皆可隨時以制宜若夫  
 於不異耶夫禮器與樂音同一其質樂有八音而祭  
 之器籥簫質以竹鼎質以金登質以土俎豆質以木尊  
 壘之屬或土而或金形異而質亦不同近世以竹木  
 之類易壞而或不能以堅久一切範金代之以圖其



求其形則是其質則非蓋土於用而不泥於其故茲  
 禮所謂先王未之有而以義起者乎瓊郡學祀舊有  
 祭器久而廢壞弗備成化辛卯廣東按察司副使豐  
 城徐公伯輔奉 璽書來飭兵備下車之初未遑他  
 務首市銅鳩工博考古圖像按其制製之其為器費  
 百四十而奇一籩七十有二豆如籩之數簠簋各四  
 十有四銅十又有二登五尊三總其凡三百九十有  
 三事費一出於官而民弗與知以明年春二月上丁  
 將釋奠於先師先期舍菜以告其成釁而蕪之庫春  
 秋有事出而用之時相其成掌海南衛事都指揮王  
 公璩瓊州府知府吳公琛瓊山縣知縣梁君昕府學  
 教授陳君顯輩會予以憂制居家免喪行有日矣王  
 吳二公謂予出自斯學且以文字為職以明倫堂前  
 業請記其數使後之人有所稽而守焉

逼文廟乃退立於書樓基上前置亭樹大方碑隸刻  
 朱子詩立饌堂神厨倉庫十三年知府蔣琪重建大  
 成殿兩廡尊經閣復遷號房於明倫堂左二十二年

僉事陳英於學後開劍池累土築峰真其後弘治初  
 英復以副使來按重建兩廡戟門號舍 張泰記畧弘治紀元廣東

憲副新渝陳公朝彥分巡海南道奉 璽書整飭兵備越明年武事既脩四境無虞詣郡學謁先聖禮成周覽惟大成殿宏壯可觀至於廡門庖庫以及向之分教之齋生之肄業之舍率腐朽弗稱上雨旁風日就傾圮公仰冀曰學校首善之地風化之原斯民之具瞻誠司政教者之先務也顧庫陋若是非缺典歟乃命有司庀材鳩工不亟不徐經始於弘治二年巳酉八月訖工於三年庚戌正月凡為殿之左右兩廡若干楹靈星門戟門雲鼓石柱各十二神厨祭器庫各若干間堂之東西四齋若干增肄業舍若干間修會饌堂若干間樹儒林坊于通衢且按舊碑詢父老復勢要侵學之左田若干畝學之後塘大小二方相連仍於殿堂悉加潤色丹漆黝聖咸極堅緻既完且美侖奐一新高明闡爽壯觀郡邑是舉也費自公出而民不憚勞有司告成於公而落之闔郡士民咸樂趨覩諸生唐顯祖等懼怵通羅謀勒石以傳教授南



海吳君元走伴奉九年太守張桓重脩十年提學僉

書幣來徵予記事宋端儀以學北宋有東坡澹庵祠久廢乃創仰止

祠於儀門之東十三年知府石壁始大其祠正德初

知府方向以號西隙地增號舍今為官舍六年知府

王子成新樂器十六年參議賀泰清理祭器三月僉

事汪克章復脩建殿廡齋舍補祭器給膳田嘉靖三十五年

有司增學田二十五畝

瓊山縣儒學宋置在海口浦元至正中元帥實德資

海牙重修洪武初額設教諭一人訓導二人四年知

縣李思迪遷于郡東北東坡書院九年知縣陳槩遷

于南郊後教諭趙謙重脩學宇西築考古臺永樂二年

知縣歐陽旭重脩廟學九年宣德八年繼修廟廡

正統十二年同知楊啓加修成化初副使唐彬與修

堂齋未就七年副使涂棐繼脩更翔饌堂號舍丘濬

孔子生於魯魯之南境則楚北境則齊當孔子時楚

境淪於蠻夷齊必一變而後僅可至魯魯聖人之鄉

也亦必一變而後可以至於道焉然當孔子世魯之

治化竟未聞其能於變而底於時雍之域况今去聖

人之時餘二千年之久距聖人之居幾一萬里之遙

者乎瓊在禹貢荒服外漢武元鼎中始入中國其去

聖人之居甚遠服聖人之教最後其於聖人之道蓋

聞風而興起非有所觀感而過化者也然今日衣冠

禮樂之盛固無以異於中州其視齊魯亦或有過者

豈孔子欲居九夷之志乘梓浮海之歎豫有以定於



也茲邑實為諸邑之首其學校亦視諸學為冠邑有  
 學肇於宋始遷今地則在國朝洪武九年自是以  
 來雖屢加脩繕而僅取苟完無經久計成化乙酉廣  
 東按察副使會稽唐君質夫行部至瓊始發官貲畀  
 知府清漳蔡君叔清脩復明倫堂暨崇禮養正二齋  
 功未就緒歲辛卯憲副豐城徐君伯輔奉 璽書專  
 鎮海南留心學校乃市旁近地以廣學基兼助其費  
 以畢前功又翔會饌堂及號房三十間知縣事五羊  
 梁昕預力其間訓導高涼周書專董其事既迄工以  
 記見屬子邑人也知瓊之教事為詳說者謂瓊士未  
 知學蓋自宋姜君弼從學蘇公子瞻始殊不然公作  
 伏波廟記謂自漢末至五代中原避亂之人多家于  
 此今衣冠禮樂蓋班班然矣觀公此言則其未渡海  
 以前已有衣冠禮樂之盛至公始益變爾 皇朝洪  
 武中姚江趙 謙古則來典教事一時士類翕然從之  
 文風用是不變至今瓊人家尚文公禮而人讀孔子  
 書一洗千古介鱗之陋出而北仕於中州中州士大  
 夫不敢鄙夷之者未必無所自也謂非學校教學之  
 功可弘治十一年副使陸淵乃遷於今府學之西建

明倫堂兩齋大門儀門泮池官舍畢備正德初增

號房嘉靖三十年訓導符山李夔買民田四畝零入

學三十二年教諭陳湯敬創敬一亭并建號舍三十

三年知府張子弘知縣吳時昭建文廟于明倫堂西

鄭廷鵠記嘉靖三十三年八月郡守安成張公歸自  
 觀思閔教化以宣望其德乃集郡屬謂之曰吾無德  
 於瓊願廣文教以嘉進諸士孰當與群屬合辭曰瓊  
 山廓內名邑邑有學舊在南郊文廟群祠悉如制自  
 弘治戊午遷於府學右偶廟遂裁省師生歲時釋菜  
 不便願如制公曰然有學無廟是缺典也昔人豈昧  
 皮弁之祭以忘敬道顧遷改勞民既屈於力乃俟後  
 人爾時可舉羸豈宜廢禮顧典縣令吳君時昭更始  
 以興起斯文教諭陳湯敬訓導黃子祿極力申請公  
 至是慨然轉達院司諸道時巡撫都御史鮑公巡按  
 侍御郭公督學會憲胡公江公及藩臬守巡諸公悉  
 從其請始筮日以次年十二月二十四日興工是日



公偕二守安成趙公暨司理建寧徐公督工縣丞高君汶開荒畚土即明倫堂右考古祠為之因買比隣王歆屋址廣袤若下餘丈以拓其後南向建落聖祠東西分建鄉賢名宦二祠考古祠改建於敬一亭號考績行乃屬徐公與念猶切適新至別駕四明陸公下視邑事協心成之自陳君擢去吳君觀回黃君與新任司訓蒙君廷用併力董視每缺一椽一石必相與告於吳君督責義民陳文秀老人周德高陳隆慎鳩而完之其勞足嘉吳君考終其功也數十年頽廢非張公吳君銳志敬學何能有今日耶諸士蒙諸公惠咸思誦之無窮乃來請記因作詩誦之其辭曰渠渠新宮在瓊之陽有泓其池有隆其堂作者誰歟瓊守曰張成者誰歟瓊守循良存心無字事用不擾愷悌鼓舞歌衣儒攸實化弘治勸教率興文教廢缺是脩鼎新廟貌乃所願學鄒國格言邑人何脩泰山在前仰之匪高鑽之匪堅晞顏顏徒理則宜然憶昔在堂面命多士曰作新宮匪徒瞻視願爾諸生惟聖是式言必由衷行必由義若師有職若陶有型顧瞻新廟萬世儀刑古人為已今人為名慎擇爾術毋忝所生苟

在其內務聘其外虛車幻套惟謂大怪如或用之斯民何賴賴敗類是懼慎為爾戒再拜稽首請服嘉言聖門肇開敢不拳拳廟一告成休  
 聲日宣矢詩載歌播以末年  
 三十五年訓導黃子祿建落聖祠于文廟後

澄邁縣儒學宋立在縣治之東寶祐間主簿紀應炎塞海港田為學費咸淳元年將領李才卿重脩增置學田元大德間教諭黃夢祥置祭器皇慶二年牛尹恢基脩建天曆間憲僉呂統撥田增贍學糧洪武初額設教諭一人訓導二人三年知縣劉時敏重建殿廡靈星戟門明倫堂東西齋未樂間知縣孫秉彝建饌堂庫厨訓導謝秉初築墻垣夾道植樹正統八年



知縣黎獻重建大成殿景泰元年縣丞魏春重建明倫堂兩齋天順間知縣余常建兩廡靈星戟門成化十一年副使涂棐以學宮舊址太高命縣丞陸祐改建未幾知縣周泰創建大成殿兩廡戟門明倫堂兩齋饌堂號房宰牲房射圃亭以石建靈星門增脩祭器弘治三年副使陳竝以新址不利科目命知縣韋裘復遷舊址未完十四年同知鄧棨委訓導龍遷于今地嘉靖間知縣潘仕卿重建大成殿兩廡戟門靈星門知縣秦志道建旌聖祠敬一亭明倫堂二齋射器書籍知縣許應龍建儒學門知縣朱鸞置祭器

臨高縣儒學宋立隨縣遷改後附今縣治宋元因之火于寇本朝興學額設教諭一人訓導二人洪武三年知縣王績於舊基創建廡靈星戟門明倫堂兩齋饌堂大門神厨庫房射圃永樂三年知縣朱原律等重建十二年知縣陳蒙重修同教諭郭邦寧於大成殿前簷砌石為臺障以石礎欄干宣德間主簿陳觀易靈星門以石柱曹洪重脩兩廡天順二年颶風壞兩齋堂殿知縣楊護葺之訓導林敦募建兩齋號房成化二年知縣梁儉以學東射圃逼街乃遷於太平橋東口建觀德亭八年副使涂棐重脩正德四



年知縣梁高撤新明倫堂嘉靖十八年教諭楊際時  
 重建大成殿齋號二十四年知縣陸湯臣遷學門於  
 左靈星門於內三十二年巡按蕭世延脩理三十二  
 年知縣陳址建敬一亭學門戟門儀門神庫公廡  
 鄭  
 鵠記子思子有言脩道之謂教非謂道可脩也人之  
 於道或中或不中或至或不至是道有空缺罅隙之  
 地故聖人因公共之材以權衡之即以其人之道脩  
 治其人之身使人人不在其材不失其的以求至焉  
 此教之所由興也 國家以明倫立教在在海上人  
 慮有空缺罅隙之地故加意海壤聲教訖于海上人  
 人漸於王化無不嚮學以予瓊觀之極其盛矣臨高  
 在瓊海中為沃邑山岡之秀西自昆耶南轉遙拱落  
 雲翠屏可挹而盆嶺麓之水旋而東亦佳勝也自宋  
 季就其左隅始建學焉洪武三年王令續創為殿廡  
 之制未樂三年朱令原律更拓六之是後累加修葺  
 未有若今之大壞也嘉靖庚戌閩鷺江陳侯址下

首以教化為念毅然欲新之會侍御友山蕭公徽至  
 際行脩理侯遂上估以行起工於壬子夏月侯當入  
 觀事忽中止迨癸丑六月侯還自京師始親臨執  
 朴又徵巡檢彭春專督焉於是百工各率其職規模  
 改觀寔甲寅十有一月也先是敬一亭舊在東廡隘  
 甚今改築於明倫後儒學門舊並戟門卑湫不可仰  
 視今增築三尺且易屏牆而廓大之又鑿泮池於儀  
 門之外建神庫於文廟之東師生衙舍一時煥然學  
 制大備其亦有空缺罅隙之慮而為之周詳耶夫道  
 猶宮牆然子貢曰夫子之牆數仞不得其門而入不  
 見宗廟之美百官之富正言夫子之道不假脩而自  
 無不周也夫子則曰若聖與仁則吾豈敢抑為之不  
 厭誨人不倦其脩道之權衡豈容一日爽哉故於門  
 人問仁問孝其端不同而其應也迥別則以其人之  
 道脩治其人之身或曰其心三月不違仁其餘則日  
 月至焉或曰升堂矣未入於室也使不中者未其中  
 未至者求其至於道雖無所損益於其人則斧斤而  
 割正之其為慮也周矣故曰吾黨之小子狂簡斐然  
 成章不知所以裁之其曰裁云者脩道之異名也至  
 今孔門之徒不枉其材不失其的萬世宗之夫豈偶



然也哉陳侯脩學非為學計也正為脩道計也諸生  
 人人誦法孔子既入其門而升其堂矣就以其身之  
 仁與義以印證其言無異於顏由商偃諸高第弟子  
 則其求為夫子之仁聖又何難焉若徒以文藝爭優  
 劣口耳誇強弱猶有昔時牙角之餘風焉是學可脩  
 矣至道則未矣恐非陳侯志也前此侯擇隙地建社  
 學以訓蒙刻正始編以明禮後此於學前江外創建  
 石塔以示標脩澹庵書院以示志可謂周矣暇日又  
 引諸生升堂講課躬自校閱以諸養真材以為國  
 家大用無非為斯道計也諸生皆此土之英尚具以  
 道為謀勉從吾言哉學諭尹君尚賢學訓張君茂才  
 正思興起斯文蘄予言為相予不佞願以孔門高第  
 弟子為忠告焉侯在邑申減民壯辨雪軍冤脩東門  
 橋造馬裊渡皆大裨政教亦脩道餘澤也學成因併  
 之書

定安縣儒學元始立附縣在南資都南堅峒天曆二  
 年縣陞為州遷於瓊牙鄉學亦改為州學附於州之

東南一里即今學基洪武二年復隨州降改為縣學  
 額設教諭一人訓導二人知縣吳志善創茅覆粗備  
 永樂三年知縣吳定寔等重建殿廡靈星戟門明倫  
 堂饌堂兩齋厨庫泮池宣德三年知縣白尚德重修  
 六年塑十哲像正統八年知縣蕭應韶復建明倫堂  
 縣丞鍾政建號房天順間知縣張寬重葺成化八年  
 副使涂棊命知縣勾永昇闢大殿堂諸制十六年知  
 縣傅霖重脩廟學射圃嘉靖元年知事張撰重脩十  
 一年知縣李淮建後室學房二十一年知縣徐希朱  
 重脩明倫堂二十四年副使胡永晟建號舍教諭姚



守轍建前廳學地二段學田六十二畝零

文昌縣儒學宋立附縣治何恭都元至順壬申縣遷

於北山都學隨遷於治右 本朝因之額設教諭

人訓導二人洪武三年知縣周觀仍建八年知縣趙

文炳徙于縣治左為今學殿廡堂齋靈星戟門大門

射圃厠庫俱備宣德二年教諭陳文驥增廣殿廡十

年僉事龔鏗重立明倫堂正德七年提學僉事彭珣

增建號房成化八年副使涂棐以堂齋窄逼命知縣

宋經改遷於文廟之右而以舊堂為饌堂兩齋為號

舍 立濬記今天下郡縣學皆有明倫堂古謂之講堂

而明之使其昭晰於天下豈非用人文化成天下也哉文昌縣儒學歲久而敝廣東憲副涂伯輔鎮瓊之明年以其隘而陋也俾知縣事古濬宋經重經理焉既落成遣生員林徽來徵子記竊惟人文之盛倫理之明也人有是身斯有是倫一人之身而五品之倫咸備人有此倫而不知所以自明聖人必立教以明之經書者教之之具也學校者教之之所也聖人之教不能遍及夫人必於衆人之中擇其俊且秀者群於學校之中授以六經之道使其朝夕從事乎此誦說其言講究其理指陳其事稽諸古而驗於今質之新而辨之於友非獨自明體諸身而已也又將資之以開導其族姻漸漬其鄉鄰俾其材成良而俗日歸於醇厚異時學成而仕上以其說進之於君下以其道推之於民中即我所得者以淑諸所治之民而尤嚴於俊秀之選而俊秀之民他日又以今日所得於吾者異時推以淑諸人亦猶我所以淑諸後也承傳相續無有終窮則道理明而彝倫叙人文之成庸有已耶孟子曰三代之學皆所以明人倫也人文成則人文成矣易曰觀乎人文以化成天下之人倫明則天下化矣縣以文昌名蓋其民俗之美殆必有廢乎



所謂節乎斐然者乎諸士子所生之縣以文為名幸  
 以民間俊秀推擇為弟子員匪直朝夕受教聽講于  
 所謂明倫堂之上要必察然文理之明秩乎齊論之  
 叙斯無愧焉耳苟反而求之行已之實家庭之間文  
 采不足而實行有虧豈不有負於是邑之名有愧亦  
 斯堂之福也哉雖然此豈獨士子為然凡生於是與  
 教于是官于是出入往來于是據席而坐揖齋而  
 進退環拱而觀聽者蓋亦思其所以然哉於是乎記  
 成化九年冬十年教諭唐琳補造祭器又同訓導農猷立  
 靈星石門十六年知縣翁輝整新祭器十九年通判  
 丘端於泮池建亭後知縣鄭宏易廊廡以石柱弘治  
 初副使陳英命知縣王休重修文廟堂廡諸制嘉靖  
 九年知縣廖韜復脩殿廡諸制重建明倫堂三十三  
 年教諭施模重脩殿廡齋號三十四年推官徐邦佐

給銀置田入學

會同縣儒學元至元二十八年附縣立於平定鄉之  
 梁堀村皇慶元年王高之變隨縣遷於今之端趙都  
 本朝因之額設教諭一人訓導二人洪武三年署縣  
 丞李霖始立於縣東二十七年知縣熊彥信鼎建殿  
 堂兩齋永樂元年與史徐廷玉重建堂齋厨庫外門  
 正統七年提學彭琬以狹隘徙於故址之西十一年  
 典史饒世高鑿泮池立會饌堂成化二年知縣李秉  
 縱重脩八年副使涂棊命知縣陳釗改建明倫堂於  
 齋東立射圃二十年教諭丘定造祭器二十二年僉



事陳英命主簿曹冕轉學向建正殿兩廡戟門遷明倫堂於殿後少西建兩齋儀門外門弘治元年典史曾暹置石柱爲靈星門鑿泮池於門外十二年知縣陳策重脩弘治十七年縣丞王錫訓導王爵再葺嘉靖七年知縣劉源遷明倫堂兩齋于舊基建啓聖祠敬一亭二十二年知縣曾廷梅重脩三十年知縣陳儒建講堂號舍公廨門樓

樂會縣儒學舊附縣治於會同縣之泗村都元至元二十四年邑徙于太平鄉之調懶三十一年復徙萬泉渡北再遷渡南學治漫無可考延祐三年海北廉

訪司照磨范樟始建廟學於邑治之東天曆元年教諭蔡慶存請於縣尹郭德賢重葺至正四年主簿莊益老九年知縣白璧屢嘗新之洪武初額設教諭一人訓導二人三年知縣王思恭重創永樂六年知縣諸葛平教諭林璟募財重建殿廡堂齋戟門靈星門學門厨庫射圃正統二年知縣莫卿改建明倫堂於大成殿東齋門饌堂號房諸制一新遷射圃於萬泉河沙洲上四年建尊經閣成化八年副使涂棊及知縣何耕又增廣之弘治初提學韋斌命知縣屈伸改建殿廡堂齋嘉靖三十三年知縣魯彭重脩聖殿靈



星門戟門明倫堂兩廡

儋州儒學宋立在州城之東紹興二十一年知軍陳

適徙于城東南隅李光記學校王政之本也自唐虞

人倫崇教化以長育人材而化成人也周衰至春

秋之際學校廢缺雖齊晉之國晏嬰叔向之名賢魯

無一語及於學校魯獨僖公能脩泮宮而為詩人詠

歌其德鄭惟子產不毀鄉校而仲尼追稱其仁蓋古

之學者以聖王為師而專師孔子則始於鄒魯之士

當時諸侯雖不能盡用而四方學者翕然從之其徒

至於論語皆入道之門也自衛反魯然後樂正雅頌

各得其所三綱五常之道賴以不絕故孟軻以謂自

生民以來未有盛於夫子者又曰以予觀於夫子賢

於堯舜遠矣豈過論哉故自兩漢而下推為素王雖

天子之尊亦北面拜跪薦祭非道足為百世師言足

為天下法疇克當之我宋之興至仁宗皇帝始詔大

臣問治天下之要當時條對者咸以學校為語熙寧

元豐以及崇寧大觀繼志述事必以是為善及關成

均建辟雍黨庠術序無愧前古雖海隅邊徼莫不有

學嗚呼盛矣皇上龍興雖遭罹多難而專以仁恩覆

肩海宇和戎偃兵天下廓然無事乃詔中外謹庠序

之教以設大學之制旁達郡國靡然嚮風及親灑翰

墨以五經徧賜列郡昭回之光下飾萬物士生其時

豈非千載之遇哉海南自古無戰塲靖康以來中原

紛擾而此郡獨不興兵里巷之間晏然如承平時人

黃真道卷三

禮記卷三

三

禮記卷三

禮記卷三

三

王



者則鄉人笑之矣自朝罷舍法省教官之員後生無  
 所從學觀經者多守於俗說閱史者或不思於全文  
 僥倖因仍以苟近利而已今於斯學之成也士皆激  
 奮昂勵求師學古講先王之遺道考六經之文焚膏繼  
 晷兀兀窮年絃誦之聲洋洋盈耳教化行於上而風  
 俗美於下梗氣遷革日趨於善而不自知也故喪葬  
 婚姻無不遵禮之失禱祠祭祀無循俗之陋教化興行  
 風俗淳美固可一變至再變而至道然後為學之成  
 也紹聖間蘇公端明謫居此郡有遊城東學詩其畧  
 云攝衣造兩塾窺戶無一人邦風方圯夷廟貌猶相  
 鄰蓋先生饒以闕弟子散莫臻今此復何日豈與陳客  
 材秀民業精行成登危科膺職仕者繼踵而出予雖  
 老矣尚庶幾及見之經始於紹興辛未之春而落  
 成於明年之冬予放逐至此得與士子杖策相從香  
 等又皆宿學及見前輩喜與逐客遊一日樞衣踵門  
 以學記為請余方老病久廢筆硯既辭不獲因書其  
 大畧如此上以奉朝廷教養之意下以慰學者樂育  
 之心云紹興紹熙二年知軍葉元璘又徙于城之南  
 壬申冬記

元至元二十一年知軍吳桂發置學田大德九年復  
 遷於城東舊址至大己酉軍判任大忠重建明倫堂  
 洪武初額設學正一人訓導三人今革三年知州田  
 章建立殿堂兩齋扁曰育材成德廡靈星戟門饌堂厨庫泮  
 池射圃十四年學正王麟彭邇繼任一新大成殿永  
 樂十一年知州陳敏學正鄭濟重脩正統五年州同  
 梁端置菜地十年州同陳應及知州周鐸重修明倫  
 堂成化九年副使涂禁命知州羅傑修殿宇神厨饌  
 堂增立號舍弘治二年知州鍾英遷於城西外廢宜倫  
 學舊址給田四十五畝正德七年知州陳袞遷入城



內東南隅即今學創建殿堂聖像未完觀去十年署  
州事推官蔣纓繼脩大備嘉靖九年吏目姚爵增脩  
號舍訓導傅聰置祭器十年知州蕭弘魯建啓聖祠  
敬一亭二十六年知州宋塗斷田一頃二十畝零入  
學三十二年知州潘時宜同知吳煒重脩置祭器書  
籍

昌化縣儒學宋立於舊縣之東元初縣尹符瓌欲新  
殿而未果至元二十一年權尹呂舉乃遷文廟於故  
基之東元貞元年知縣夏雋與達魯花赤撒里蠻諭  
教官張天翼等興立學門兩廊定祭器大德元年典

教沈雷乃加葺理塑先聖配哲神像創明倫堂至正  
九年知縣黃半山遷於縣治西南洪武初額設教諭  
一人訓導二人二年知縣董俊仍建一新十九年知  
縣范朗重建大成殿二十年知縣沈源建明倫堂立  
二齋正統十年知縣周振以憲副賀公先請於朝乃  
隨縣遷于守禦所城之南改建諸制一新成化十四  
年典史周斌遷建於縣東即今治正德七年知州陳  
袞建大成殿知縣殷鐸重脩明倫堂十二年知縣藍  
敏訓導馮鉞重建戟門兩廡靈星大門齋房  
萬州儒學宋在舊治城西以寇毀遷城東贍學有田



元大德丁酉同知徐應重建殿堂門垣延祐三年同知董敏置祭器繪兩廡從祀像築登雲橋引溪水為洋池泰定元年知軍楊漢傑建樓置經籍天曆二年清復學田王士熙記古者天下之田而黨術庠序法廢而庠序亦不能復于古學者有困緩之憂明者無道義之資世風日降未習益繁亦有由也今夫天下自京師達于郡邑皆有學學之田大江之南為大皆及經師長官視其出入以供春秋祭祀釋奠廩博士之遺意焉爾嗚呼士養萬物民擅其利富者肆力以侵牟貧者束手以待斃或產連阡陌以食游末之徒或使積京坻以求福利之益速蕩而不可反其本也至于先聖祭享之用儒者教養之給所入幾何而獨欺隱蔽私至夫用或不克給或有闕嗚呼是獨何心哉然又在於有司之得其人學官之勤厥職爾萬安軍海南之屬郡距京師萬有餘里而先聖之廟袞服

煥然庶序翼然學官弟子濟濟如也學有田始於宋惟其雜于民疇歲月既久以曉易易艘以簡侵繁糶食而畝削胃食他人浩不知止有司不暇詰學官不能復也近歲憲臺深察其弊申明稽考知軍事楊漢傑始令學正池鳳鳴考其基界簿籍寓士萬寧軍學劉復初隴閱而畝數之揚君遷去而同知軍事薛得輝判官鮮善政益用力焉復初巡歷鄉社芟荒履危言詢迹究使豪者不肆其力許者不得盡其辭於是田復于舊德豆秩秩于堂庶弦誦洋洋于齋舍矣經有云舟車所至人力所通凡有血氣之屬莫不尊親所齒于編氓服出待歲執且大也今萬安雖僻在遐荒凡親者剛常之大小者勤作長者有養乎親之義使民親之於日用常行之間而扶世教于萬世遐荒之外巍巍大哉忘其所養愈其所學是豈國家建學立官之意也哉聖人固不啻報于後世也人各盡其敬焉所以敬夫婦朋友之分也所以敬父子兄弟之親也所以敬夫萬安賢有司作舉於其上學官勉恪厥事至他



軍之學官亦喜而振力焉田既復矣碑既勒矣凡軍  
 之人尚相率盡其敬而攻其怠悔者焉教於是其行  
 乎至順二年寇火群書至元三年判官張光大重葺  
 知軍孫實重建大成殿至正七年監郡大都乃遣吏  
 構書籍造祭器十二年土寇犯城圖書祭器盡燬二  
 十六年鄧酋復縱民折廟學治殘廢洪武初額設學  
 正一人訓導三人今並三年判官唐珪萬寧知縣黎  
 恕縣丞湯良弼捐俸建殿廡堂齋飭聖賢像永樂六  
 年同知劉以敬七年知州戴彥則次第新之復創饌  
 堂學門神厨庫房闢射圃於學之北成化八年副使  
 涂棐以地湫隘遷于廢萬寧學基為今治諸制一新今

記畧昔史臣紀禹貢山川而終以聲教所至其東西  
 北皆以地言至於南獨言其方蓋以聖人體天為治  
 而計之所嚮日之所視其明德之光被初不可以地  
 限計也廣東居神州之南瓊又居廣之南瓊之支郡  
 曰萬者又居瓊之南茲地在禹貢時固遠在荒服之  
 外然當時聲教所訖東止海隅西止流沙北止朔方  
 今閱數十代更數千年其三方固未嘗越之而有所  
 如也惟南則日關日遠雖以區區四州之地去中國  
 萬里之遙而郡縣之建學校之設與齊魯不殊焉豈  
 不以南者離明之方文明之地萬物皆相見於此乎  
 萬在前代為萬安軍附郭邑曰萬寧舊皆有學國  
 初改軍為州正統中罷萬寧縣而學隨之以廢成化  
 壬辰眾以州學之秋監縣李之舊基則高亢而明爽  
 也議欲遷之適廣東副按察使涂公奉 聖書專鎮  
 于瓊行郭至萬爰主其議總督備指揮李泰知州梁  
 桓董其事經始於是年十月訖工明年十二月新學  
 告成眾謂 弘治五年知州李恭重脩正德元年復葺  
 不可無記 及置祭器九年知州余忠再脩及建儒林坊於學門



外

陵水縣儒學宋立附縣治元縣經屢遷學亦隨之詳見公署洪武初額設教諭一人訓導二人三年署縣丞湯良弼於港門舊址創建正殿堂齋門垣皆備景泰五年知州王鐸重建正統五年知府程瑩奏請隨縣遷附南山千戶所城東成化初副使唐彬知縣楊端議遷城北未就八年副使涂非完建殿廡靈星戟門兩齋饌堂號房外門諸制始備弘治以來燬于黎寇惟存明倫堂亦幾散

崖州儒學宋立在州城外東南郡倅慕容居中移城

北後郡守莫豫復故淳熙十四年郡守周廓重脩淳祐五年郡守毛奎移於郡城西南元大德間學正齊孟堅鑄銅爵泰定三年學正陳世卿達魯花赤脫脫木郡倅王起復移於城東天曆二年清復學田至正五年同知羅伯顏移於城西後復徙於城外西南隅洪武初額設學正一人訓導三人今革三年判官金德仍舊址開設九年知州劉斌重建射圃諸制二十六年同知顧言建明倫堂永樂九年學正王禮等建三齋宣德五年知州侯禮學正賈魯重修正統十一年知州歐進學正鍾瓊遷學門於東建號房天順五



年知州王鐸學正許端惠復遷學門於西南成化七年知州徐琦以副使涂棊命重脩殿廡堂齋靈星戟門外門藏書祭器二庫射圃

丘濬記昔者聖人述經於詩則懲荆舒於春秋則夷吳楚所以懲之夷之者蓋以先王之道不行於其地故爾抑孰知聖人百世之後而其道又越荆楚舒吳南數千里之遠以至於百越之墟大海之外乎孔子曰道不行乘桴浮于海其言蓋至是驗矣凡天下郡國皆居海內惟瓊一郡巖巖居海之外而崖在前代再涉鯨波非舟楫之利涉不可以通然而釋奠之宮絃誦之所與中州等豈非聖人之道行于海之元泰定中徙城東至正中又復其舊入國朝來雖屢更修葺然皆苟焉而已成化六年豐城涂公伯輔以廣憲臺副使者之節專鎮瓊郡按部至崖慨學宮之卑陋憫學教之廢弛乃命知州事諸暨徐君琦拓其址而前之視舊少西凡學宮規模宏敞漢繪綉一新之其費一出於公民弗

州人父老過者驚嘆以為昔所未有徐守謂崖學於宋歷元至今未有為之記者以書來徵予文記其事惟苛聖人興浮海行道之嘆而繼之以從我其由之語夫當聖人振鐸之時必欲其道行于遠尚有賴於賢哲之士相與佐佑之則去聖人數千年微言絕異端起之後乎吾知聖人在天之靈固不能不望於後世賢哲之士相與佐佑而作興之也崖自漢入職方千三百餘年于茲立為學校又四百年于茲聖道之行於茲土也不為不久矣然而風俗未至於純美人才未至於振族豈無其故歟意者佐佑而振作之者未得賢哲之士如仲由者歟今崖學幸得憲副君作興於上而又得徐守協力以從史之自今而後誦說有其地休息有其所而崖之士民於此猶不思所以奮發勉勵以求漸進乎聖人之道追原其咎必當有任之者因書以諭焉且弘治二年副使陳英議示夫後之人成化癸巳冬記

命知州林鐸遷州治東即今學也正德十年知州徐潭重立靈星門



感恩縣儒學宋立於縣治之左元因之洪武初額設  
教諭一人訓導二人三年知縣黃忠信仍址創建十  
八年縣丞楊幹以地狹移于縣治東北創建殿堂東  
西齋求樂間知縣郭緒重建景泰元年訓導王川等  
募財重修成化三年知縣莫宣脩兩廡靈星大門九  
年復建明倫堂兩齋并射圃弘治十四年燬于黎賊  
徙于縣南城外脩葺未備

### 社學

三代之時成湯訓蒙士文王教小子則小學之教有  
自來矣漢志先王之制里有序而鄉有庠序以明教

庠以行禮而視化焉八歲入小學學六甲五方書計  
之事始知室家長幼之節十五歲入大學學先聖禮  
樂而知朝廷君臣之禮其有秀異者移鄉學于庠序  
庠序之異者移國學于少學諸侯貢少學之異者於  
天子學于太學命曰造士行同能偶則別之以射然  
後爵命焉晉高涼太守楊方著少學七卷蓋諸侯少  
學之教也

唐武德初於秘書外省立小學而不徧及天下宋熙  
寧四年三月三日始詔諸州軍置小學廣州學西有  
訓蒙堂學舍四十間崇寧元年八月二十三日令州



縣置小學十歲以上皆入學五年立課試法政和四年十一月二十一日州郡小學分三舍其宗子之在外者亦如之復建宗學小學嘉定十四年廣州學教授許巨川請于都轉運使劉自強相攸學左地經始焉為屋二十四楹教導者席于中寶祐元年經畧使李迪遷于學之西偏今廢其地與訓蒙堂相接淳祐十年知雷州儲擢教授郭夢龍立小學

元制令蒙古色目人年小質聰者置蒙古小學選儒人為學正令背誦孝經小學習漢人字廣州置蒙古學即訓蒙堂為之元季堂毀今為外西號元李存送臨川饒季

理赴廣州蒙古學正詩商冠魯服古人通况此書文四海同自是俗情安近習茫茫科斗孔堂中

本朝洪武八年詔有司立社學延師儒以教民間子弟社學教讀有經明行脩者許有司推選署儒學教事十六年詔民間立社學有司不得干預其經斷有過之人不許為師二十年令民間子弟讀御製大誥後令為師者率其徒能誦大誥者赴京禮部較其所誦多寡次第給賞復命兼讀律令仍令問刑官凡犯罪有大誥者減等

正統元年令各處社學提學官及司府州縣官嚴督勸課不許廢弛其有俊秀向學者許補儒學生員











新寧縣一 分司左 清遠縣八 東街 上廓街 下廓街 靖

化鄉吉河 龍門縣 佛龍圍各一 都圍 三水縣 從化縣

鄉各一 龍門縣 佛龍圍各一 都圍 三水縣 從化縣

後陽山縣二 城內 在縣治東 嶺南道 右 連山縣

韶州府

曲江縣四 東隅 在羅城街 西隅 在善政下街

上樂昌縣十二 頭廟 址 郭西 在縣西 郭東 即郭

在相沙後 辛田 即辛田 廟址 郭西 在縣西 郭東 即郭

日安口 在安溪 廟址 郭西 在縣西 郭東 即郭

六在扶溪 都 西門外 岡 在長江 城北 外 江頭

康溪 在乳源縣二 日養溪 正在學左 翁源縣八 龍

頸在縣治東 日城西 在縣治西 周波 在周波舖 公在

坑在縣治東 日城西 在縣治西 周波 在周波舖 公在

浦在利波舖 日芙蓉 在南浦 英德縣五 廟左 貞在城隍

即在社稷壇前 日朝陽 在清溪 巡檢司右 古風

南雄府

保昌縣十八 世顯 俱在北廂 日太平 在縣後街 日

日遷善 在縣治西 崇仁 都在 日端本 在茹惠都 日

日正上都 日歸極 在崇仁 都在 日端本 在茹惠都 日

崇禮 俱在 日歸極 在崇仁 都在 日端本 在茹惠都 日

惠州府

歸仁 都始興縣一 儒學 西 在



歸善縣八日西南隅在萬石坊側。日北隅原在東新地。

東舖。日東關原申明亭。日崇正。在銀博羅縣十二

日興賢。在縣治左。日西隅。在縣西富教巷側。日

江東。在縣東舊驛場之左。日榕溪。在縣西門。日

禮村。南隅。日禮村。西隅。日羅浮。日原岡。俱在羅

神護都。日白海豐縣六。日清灣。在石灣。日西埔。在

沙在僊福都。日龍津。在縣東門外。日石橋。在碣石城外。河源

日捷勝。在捷勝所以上。俱提學魏校立。今廢。河源

縣三。日東隅。日南隅。日北隅。龍川縣六。日東隅。日南隅。

在城外之南。日龍津。在五里。日正誼。在東長樂

縣八。日居仁。在城東隅。日秉智。在城北隅。日縣前。在

急遞舖後。日三派。興寧縣三。日富毅。在際留倉前。在

頭。日小渡。日派。興寧縣三。日維城。在西門濠塘。在

檢司城隍廟東。和平縣三。林証。在城日西城。六十里。

潮州府

海陽縣四坊。日東隅。在順昌坊。日南隅。在崇福潮陽

縣三。日養正。在射圃內。日源泉。在城揭陽縣十。日東

西隅。日魁元。日椿桂。日鮮元。日登雲。程鄉縣四。日東社

化日魁隆。日椿桂。日鮮元。日登雲。程鄉縣四。日東社

日南社。日北社。日饒平縣七。日南隅。在東門。日東隅。在東門

塘。日蘇灣。在南洋。日信寧。在陳大埔縣四。日茶山。在

之鬱。日小靖。在大堤。日黃岡。在陳大埔縣四。日茶山。在

之西。日南安。在匯川書院。日中渡。惠來縣二。學塘。在

西門外。在

肇慶府



高要縣二曰東隅在城東坊四會縣一在城西新興縣

一治在縣東陽春縣一治在縣前陽江縣三曰西隅在縣北

在縣南隅高明縣四十一曰育秀在城北曰迎恩

在上倉步都曰龔海鐵溪俱羅塘都曰太平唐安

龍門良溪遷村孔聖俱田心都曰布練在華堂都

慶龍在良村都曰沙溪在沙溪都曰青雲在朱塘都

俱黃村都曰古坳塘在馬安都曰青雲在朱塘都

曰適中在古坳塘在馬安都曰青雲在朱塘都

羸州俱龍在甲高村都曰秀麗在清溪甲曰平步潭湖

俱停步都曰高田活塘在小峒都曰興隆在朝陽

慕都曰平溪恩平縣四在城內在學旁曰進職在水東

山臺俱文儲都恩平縣四在城內在學旁曰進職在水東

在仕峒都德慶州二曰東西隅在城東西瀧水縣十

四曰瀧江在北門曰永安在南門曰陳孔在舊圍村

曰大洞在阿四村曰圓村在員下村曰棠梨在

塘西村在沙埠村曰井上村曰興福在譚井村

曰善興在阿揚村曰里田在譚空村封川縣二

曰兩廂在縣西開建縣一舊學基

高州府

府城三曰東高在東門曰亞興在河西峯茂名縣二曰

德在獅子堡曰鳳儀在縣南電白縣一曰得善鄉在信宜

雲曇東曰茂南在縣南電白縣一曰得善鄉在信宜

縣一曰賈江即化州一曰東勝在吳川縣十八龍曰祥

曰城中曰南隅曰那蒙曰院村曰大寨

塘曰那寧曰潭俗曰下礮曰中村曰平澤曰北村石城縣一正在



右分司

### 廉州府

府城七日養正在舊府學西今廢。日西溪在府城。日北園在城。北街。日西。江在府西。永安城西南。欽州十八中。千戶所內。日梁村在永安城西南。日發蒙在蒙村。和在東門外。日城在南屯村。日發蒙在蒙村。日騰龍。日騰龍村。日洪屋村。日水東在水東村。日享雷在。在騰龍村。日雷峯在北皮烏雷北。日享雷在那。雷村。日蘆山在蘆荻村。日平江在蛟子村。日。如洪在江左。日留峯在板留村。日造材在那。造村。日凌霄在板青村。日思淳在思蘆村。日。白峯在白雪峯下。日同文在特羅都靈山縣二。防城地。日思文在貼浪都思牙村。靈山縣二。正在書院南。日。有造在林公祠後。

### 雷州府

府城七坊。日東關內在忠義祠後。日南關內在樂安。泰公祠南。日北關外在那盧坊。日南關外在文。富坊。日文昌在調會坊。日雷州衛在衛治東。海康縣六。日登雲。日振辰。日帥正。日文富。日調會。日。溪縣七。日熟鄉。日西。日東海鄉。日北關外。日通明。日平樂。俱廢。日明善。日復初。日崇德。日廣業。

### 瓊州府

瓊山縣五關。日東關。日南關。日中城。日西。澄邁縣無。臨高。縣一。日縣東在定安縣三。日東鄉在縣門鋪前。日南。鄉在那文昌縣無會同縣五。日端趙在馬嶺村。日。危市。文昌縣無會同縣五。日端趙在馬嶺村。日。黎村。日太平在鹿池村。日樂會縣無儋州三。日春在。




零春村。曰頭積在州治西昌化縣無萬州八日北關  
東北。曰峩曼在州治西番廂地。曰周村在會通都。  
外。曰馮吳在仁孝都。曰蓮塘在宣義都。曰小南山  
在富仁都。曰番浦在福陵水縣無崖州無感恩縣  
澤都。曰檳榔在明德都。

論曰興學教民成俗至我明可謂至隆矣洪武初  
詔求師儒必賜鈔絹以敦遣而又令之赴京共論治  
道以安生民訪得真才為用輒行重賞且立儒戶自  
廣及瓊紆其繇役俾顯脩繕學官若辛亥進士新會  
梁臨其貫籍可攷也永樂中高要靈山設學陳請詔  
曰此國家制治首務毋得視為迂緩不切即日下有

司創建如法其重學校如此漸被以迄于今蕉林荔  
墟悉為禮樂詩書之地厥有繇哉小學養蒙亦洪武  
制也嘉靖初得魏莊渠氏而後淫祠盡建社學今則  
鞠為蔬莽者有之矣政舉固在人與嗟乎頒降經籍  
義上濂洛關閩制也新說興而尊經閣徒自建爾漢  
儒徐防有言輕侮道術誠非詔書本意專精務本儒  
學所先亦宋所病依憑空言附會意見增疣益贅助  
勝崇私者嗟乎祖宗興學之意惟一道德以同俗  
專精務本豈當爾哉  
贊曰絃誦在泮纓弁本源峩峩傑閣聖經是尊塗分



廣東通志卷三十一  
雜錄  
流別新說專門詔制弗率藻繡徒存盍訓蒙士揆厥  
所元



廣東通志卷第三十七



